

udostępnia się " Czytelni



012138 U

25 = 71

na kasecie - Reliwa

Mel in cera, devotio in litera, alioquin
litera occidit, si absque condimento Spi-
ritus glutieris.

S. Bernad: supr: Cant:

Non putrescit cor, si levetur ad DEUM;
tuum frumentum si haberes in inferiori-
bus, ne putresceret lebares illud ad supe-
riora: frumento tuo quaeris mutare locum,
et cor permittis in terra putrescere? cor
leva in Coelum.

S. August: in Ps: 85.


ooooooooooooo

APPROBATIO ORDINARIA.

Lectum et revisum, quoniam nihil con-
tra fidem et mores repertum, imo utile
devotis Sacerdotibus idcirco typis impri-
mendum censeo. In quorum fidem e.t.c.

Datum Gnesnae die 28 Febr. A.D. 1776.

LEO MORAWSKI Metropol: et Posnan:
Arch: Offic: General: Gnesnensis. *mpp.*




APPROBATIO NOVA.

Liber intitulatus » Precaationes Pij Sa-
cerdotis « jam approbatus et impressus
Posnaniae Anno 1776, cum nihil contra
fidem et bonos mores contineat, imo pi-
etatis Spiritu plenus; reimprimatur serva-
tis servandis.

Datum Calissii die 30 Mensis Julii 1829.
JOSEPHUS ŁUKASIEWICZ Archidia-
conus Insignis Collegiatae ac Consisto-
rii Generalis Calissiensis Judex Surroga-
tus Librorum Censor, *mpp.*





P A R S I.

PRECATIONES
M A T U T I N A E.

Cum primùm evigilaveris dic:

In Nomine Patris et Filii et Spiritus
Sancti. Amen.

Illumina Domine oculos meos ne unquam obdormiam in morte, ne quando dicat Inimicus meus praevalui adversus eum.

Deinde signas frontem.

IN Nomine Domini JESU Christi Nazareni Crucifixi surgo; ille me benedicat, regat, custodiat et ad vitam perducatur aeternam. Amen.

OREMUS.

Domine DEUS omnipotens, qui ad principium hujus diei nos pervenire fecisti. Tua nos hodie salva virtute, ut in hac die ad nullum declinemus peccatum sed semper ad Tuam justitiam faciendam nostra procedant eloquia, dirigantur cogitationes et opera. Per Dominum nostrum.

Hic dicatur Pater noster, Ave Maria, Credo, Confiteor, Misereatur, Indulgentiam.

OREMUS

Dirigere et sanctificare, regere et gubernare dignare Domine DEUS, Rex Coeli et terrae hodie corda et corpora nostra, sensus sermones et actus nostros, in lege Tua et in operibus mandatorum Tuorum, ut hic et in aeternum Te auxiliante salvi et liberi esse mereamur, Salvator Mundi; qui vivis et regnas.

Iterum te signans Cruce dic:

Dominus nos benedicat, et ab omni malo defendat, et ad vitam perducatur aeternam. Et fidelium animae per misericordiam **DEI** requiescant in pace. Amen.

Dum surrexeris humiliter prostratus, ac inclinatus profundè dic sequentes V:V:

Laudetur **SSma** et Individua Trinitas; et nunc et, semper et in secula seculorum Amen.

Laudetur **SSma** Humanitas, Domini Salvatoris Nostri, passio Resurrectio et Ascensio Christi futuri Judicis; et nunc et semper.

Laudetur **SSmum** Sacramentum pretiosi corporis et sanguinis Domini nostri; et nunc et semper.

Laudetur omnipotentia, Providentia, omniaque viscera misericordiae, justitiae; nec non tota Divinitas et essentia **DEI**

Creatoris-ac conservatoris nostri; et nunc et semper et in secula.

Laudetur Immaculata Concepto Nativitas, Purificatio, gaudia, dolores, Assumptio, intemerata Virginitas, Divinaque sine tactu pudoris Maternitas, Dominae ac Reginae nostrae clemetissimae, et nunc et semper.

Benedictus es Domine in firmamento Coeli; et laudabilis et gloriosus et superexaltus in saecula.

Benedicamus Patrem et Filium cum S. Spiritu; et laudemus et superexaltemus eum in saecula.

Benedicamus Filiam Patris, Matrem Filii, Sponsam Spiritus Sancti, Dominam nostram, Reginam nostram, et Advocatam nostram; laudemus et superexaltemus eam in saecula.

Benedicta sit tota Curia Coelestis et laudabilis et gloriosa. Amen.

Sancte Angele DEI, qui Custos es mei,
me Tibi commissum pietate superna, hec
die illumina, custodi, rege et gúcerna.
Amen.

Dein elevans caput manibûs junctis.

Benedicat me Imperialis Majestas, pro-
tegat me Regalis Divinitas, custodiat me
sempiterna Deitas, defendat me immensa
Trinitas, foveat me gloriosa unitas, diri-
gat me inaestimabilis bonitas; regat me po-
tentia Patris, vivificet me sapientia Filii, il-
luminet me virtus Spiritus Sancti: Alpha
et Omega, DEUS et homo, sit mihi invo-
catio ista salus et sempiterna protectio.
Ecce Crucem Domini † fugite partes Ad-
versae, vicit Leo de Tribu Juda, Radix
David, Alleluia. In Nomine Patris † et Fi-
lii † et Spiritus Sancti † Amen.

Conversus ad Imaginem B. V. M.

O Domina mea Sancta MARIA me in Tuam benedictam fidem ac singularem custodiam, et in finum misericordiae Tuae, hodie et quotidie, et in hora exitus mei, animam meam et corpus meum Tibi commendo, omnem spem et consolationem meam, omnes angustias et misérias meas, vitam et finem vitae meae Tibi commito ut per Tuam SSmam intercessionem, et per Tua merita; omnia mea dirigantur et disponantur opera, secundum Tuam, Tuique Filii voluntatem. Amen.

O Amantissima Mater Gloriosa DEI Genitrix MARIA, suscipio Te novo amoris affectu in Matrem meam dulcissimam, unice colendam, amandam, imitandam, glorificandam; suscipe Tu quoque me licet indignissimum inpeculiarem Filium; adsis mihi in omnibus actionibus meis, nec me

deseras in hora mortis meae: O Clemens,
o pia, o dulcis Virgo MARIA! Amen.

Tum conversus ad Crucem.

OREMUS.

Actiones nostras quaesumus Domine aspirando praeveni et adjuvando proseguere, ut cuncta nostra oratio et operatio a Te semper incipiat et per Te caepta finiatur. Per Christum,

Iterum profundè inclinatus dic

V:K: terque singulos repete.

Laudetur SSmum Sacramentum et nunc et semper et in saecula saeculorum. Am.

Sanctus DEUS, Sanctus fortis, Sanctus immortalis; miserere nobis.

A peste fame et bello, libera nos Domine.

A subitanea et improvisa morte, libera nos Domine.

A transgressione mândatorum Tuorum; libera nos Domine.

Per intercessionem Beatae Virginis MARIAE; libera nos Domine.

Per intercessionem omnium Sanctorum Tuorum; libera nos Domine.

O JESU, JESU, JESU, libera nos Domine.

Osculata ter terrâ pertiendo pectus dic tribus vicibus:

DEUS propitius esto mihi indignissimo et maximo peccatori.

His finitis iterum Te signabis signô Crucis ac surgens dum lavas manus dic:

Praesta quaesumus omnipotens DEUS ac misericordissime Salvator, ut sicut exterius abluntur inquinamenta manuum, sic per Te mundentur interius pollutiones mentium, et crescat in nobis Sanctarum virtutum augmentum, quatenus Templum

Sancti Spiritus effici mereamur. Per Christum.

Postea dicto Psalmo Miserere mei DEUS.

OREMUS

DEUS qui culpa offenderis, poenitentia placaris, preces populi Tui supplicantis propitius respice, et flagella Tuæ iracundiae quae pro peccatis nostris meremur, clementer averte.

Ineffabilem nobis Domine misericordiam Tuam clementer ostende, ut simul nos et a peccatis omnibus exuas, et a paenis quas pro his meremur eripias. Per Christum Dominum.

Interim domui Tuæ dispone, necessariis diei consule, negotia minoris momenti absolve, ac tandem vel in Oratorio cum Fratribus, vel solitariè recita.

E X E R C I T I U M

M A T U T I N U M.

In Nomine Patris et Filii et Spiritus

Sancti. Amen.

Veni Sancte Spiritus reple Tuorum corda Fidelium, et Tui amoris in eis ignem accende, qui per diversitatem linguarum cunctarum Gentes in unitate fidei congregasti.

V: Emitte Spiritum Tuum et creabuntur.

R: et renovabis faciem terrae.

OREMUS

DEUS qui corda fidelium Sancti Spiritus illustratione docuisti, da nobis in eodem Spiritu recta sapere, et de ejus semper contolatione gaudere. Per Christum.

Gratiarum Actio.

Adoro, veneror, laudo, glorifico ac benedico Te SSma Trinitas, et gratias Tibi ago, pro universis beneficiis Tuis mihi indignissimo collatis, et nominatim pro noc-

te hac feliciter transacta; tum pro Tua clementia quod me hac nocte ab omni malo custodiens hucusque a peccato conservando perduxisti: sis benedicta a tota curia triumphante et militante, et ab omnibus operibus manuum Tuarum, nunc et semper et in saecula saeculorum. Am.

Pater et Ave ac Gloria Patri.

Oblatio sui ipsius.

O Pater aeterne ad Te primum suspirium et aestus cordis mei Tibi me totum qualemque quantum cumque et omnes animae meae vires et corporis sensus, omnia mea offero et immolo: Suspice o Pater hos novi diei primos amores, eosque incendio charitatis et meritis Filii Tui conjunge.

Pater et Ave ac Gloria Patri.

Dispositio operum.

Ecce mi amantissime JESU Te aspiran-

te statuo firmiter, ardenti corde viam mandatorum Tuorum currere, probi Christiani et Religiosi Officium explere, pietatis munia obire, sectari virtutem N. universa denique et singula in Nomine Tuo agere et pati; utinam dirigantur viae meae ad custodiendas justificationes Tuas: dirige me in veritate Tua et doce me, quia Tu es DEUS Salvator meus et Te sustinui tota die.

Pater et Ave ac Gloria Patri.

Fuga Peccati.

Veni fucure Sancte Spiritus ne ferocibus me morsibus belluarum idest peccatorum obiiciam, Te precor in hoc discrimine anhelantem praesens robora, qui spondisti: super aspidem et basiliscum ambulabis et conculcabis leonem et draconem; libera me de sanguinibus DEUS, Deus salutis meae, et exultabit lingua mea justitiam Tuam.

Pater et Ave ac Gloria Patri.

Petitio Subsidiū.

Adeste mihi pariter o Beatorum mentium agmina, Tu vero prae reliquis piissima Virgo MARIA, DEI et mea optima Mater, cum castissimo Sponso Tuo Josepho succure, Tu quoque Saucte Angele Custos et omnes Sancti Patroni mei, inopem iuvate, ducite claudum et caecum: Tu vero prae omnibus aspira DEUS meus et omnia, siquidem in Te speravi, non fundar in aeternum.

Pater, Ave, Gloria et Credo.

Protestatio coram Deo.

Si quidquam o mi DEUS hodie cogitavero dixerero aut fecero, per imprudentiam meam, quod Divino beneplacito Tuo repugnet: coram Te Domine totaque Curia Coelesti protestor, id praeter et contra voluntatem meam eventurum. Si aliter quod



ego nolo accidat, miserere Domine et errantem illico revoca, cadentem subleva, et, ne id contingat, misericordissima benedictione Tua me praevenire, et veluti rem Tuam possidere ac regere digneris: arbitrii mei libertatem Tibi sic subiicio, ut illam, a Te etiam cogi cupiam et vinciri: ne contra Te rebellet, aut contra voluntatem Tuam vel minimum quidquam committat.

Pater Ave et Gloria.

Dominus nos benedicat † ab omni malo defendat, et ad vitam perducatur aeternam. Et fidelium animae per misericordiam DEI, requiescant in pace. Amen.

Sancte Angele DEI qui Custos es mei, me Tibi commissum pietate superna hae die illumina, custodi, rege et gubernas. A.

O Patriarcha pauperum Francisce, Tuis precibus auge Tuorum numerum in charitate Christi, quos cancellatis manibus

caecutens, ut moriens Jacob benedixisti.

V: Signasti Domi. Servum Tuum Franciscum.

R: Signis redemptioni nostrae.

OREMUS

DEUS qui Ecclesiam Tuam Beati Patris Nostri Francisci meritis faetu novae prolis amplificas; tribue nobis ex ejus imitatione terrena despiciere, et Coelestium donorum semper participatione gaudere.

Ad S. Anton. Padv.

Si quaeris miracula, mors errorcalamitas, daemon lepra fugiunt sani. * Cedunt mare vincula, membra resque perditas petunt et accipiunt, juvenes et cani. V: Pereunt pericula cessat et necessitas, narrent hi qui sentunt, dicant Paduani. * Cedunt mare. V: Gloria Patri et Filio et Spiritui Sancto. Sicut erat in principio. * Cedunt mare.

V: Praedicator egregie, ora pro Nobis
Antoni Beatissime. R: Ut Tua intercessio-
ne percipiamus gaudia vitae.

OREMUS.

Ecclésiám Tuam DEUS Beati Antonii Con-
fessoris Tui commemoratio votivá laetificet;
ut Spiritualibus semper muniatur auxiliis
et gaudiis perfrui mereatur aeternis.

Ad S. Joseph. a Cupert.

Salve gemma Minorum. columen et prae-
sidium miraculorum gloria, Joseph Vir
admirabilis. * Tuis enim parent nutibus,
ignis, grando, nix, procellae, morbi, dae-
mones, contagia, mors error, calamitas.

V: Cujus concaluit caro flammis Divini
amoris, nobis succure miseris * Tuis enim.

V: Gloria Patri et Filio. * Tuis enim.

V: Ora pro Nobis S. Joseph.

R: Ut digni efficiamur.

OREMUS

DEUS qui ad unigentium Filium Tuum

exaltatum a terra omnia trahere disposuisti, concede propitius ut meritis et exemplo Seraphici Confessoris Tui Iosephi, supra terrenas omnes cupiditates elevati, ad eum pervenire mereamur: Qui tecum vivit et regnat.

Ad S. Bonaventuram.

O Doctor, optime Ecclesiae Sanctae lumen, Beate Bonaventura, Divinae legis amator, deprecare pro nobis Filium DEI.

V: Ora pro Nobis B. Bonaventura.

R: Ut digni efficiamur.

OREMUS.

DEUS qui S. Bonaventuram Confessorem Tuum atque Pontificem Ecclesiae Doctorem Seraphicum tribuisti, concede nos et ejus eruditione proficere, et Tuae charitatis igne succendi.

Ad omnes SS. Ordinis.

Gaudere pauperes spiritu et exultate, quoniam merces vestra copiosa est in Coelis.

V: Aeterna fac cum Sanctis Tuis Domine.

R: In gloria numerari.

OREMUS

Preces nostras quaesumus Domine, quas Tibi in commemoratione omnium Sanctorum Seraphici Ordinis offerimus. clementer exaudi. et illorum nos tribue moribus conformari. quorum gloriosis desti perfrui meritis et exemplis.

Adb Providentiamq; Divinam.

Nolit solliciti esse dicentes, quid manducabimus aut quid bibemus, scit enim Pater vester. quid vobis necesse sit. V: Jacta super Dominum curam Tuam et ipse Te enutriet. R. Et non dabit in eternum fluctuatione justo.

OREMUS.

DEUS cujus providentia in sui dispositione non fallitur, Te supplices exoramus, ut noxia coneta submoveas et omnia nobis profutura concedas.

Ad S. Cajetanum

V: Justum deduxit Dominus per vias rectas.

R: Et ostendit illi Regnum DEI.

OREMUS.

DEUS qui B. Cajetano Confessori Tu-
um Apostolicam vivendi formam imitari
tribuisti, da nobis ejus intercessione et e-
xemplo, in te semper confidere, et sola
Coelestia desiderare.

Ad S. Joan: Nepomoc.

Qui odit animam suam in hoc mundo,
in vitam aeternam custodit eam. V: Justus
ut palma florebit. R: Sicut cedrus Liba-
ni multiplicabitur.

OREMUS

DEUS qui ob invictum B. Joannis Sa-
cramentale silentium, nova Ecclesiam Tu-
am Martyrii corona decorasti, da nobis
jeus intercessione et exemplo linguam cau-
te custodire, ac omnia potius mala quam
animae detrimentum in in hoc saeculo to-
lerare.

Hic adde ad S. Patronum Annuum, tum.

Pro Benef: vivis, et def: 95

Psal: DEUS misereat. Et De prof.

V: Salvos fac servos Tuos. R: DEUS meus sperantes in Te. V: Oremus pro Benefactoribus nostris. R: Retribuere dignare Domine omnibus nobis bona facientibus propter nomen Tuum vitam aeternam V: Oremus pro fidelibus defunctis. R: Requiem aeternam dona eis domine, et lux perpetua luceat eis. V: Requiescant in pace. R: Am n. V: Domine exaudi orationem meam. R: Et clamor meus ad Te veniat. V: Dominus vobiscum. R: Et cum Spiritu Tuo.

OREMUS.

Omnipotens sempiternae DEUS qui vivorum dommaris simul et mortuorum, omniumque misereris quos Tuos fide et opere futuros esse praenoscis; Te supplices exoramus ut pro quibus preces effundere

decevimus, quosque vel praesens saeculum adhuc in carne retinet, vel futurum jam exutos corpore suscepit, intercedentibus omnibus Sanctis Tuis, pietatis Tuae clementia omnium delictorum suorum veniam consequantur. Per Christum Dominum nostrum. Amen.

A C T U S V I R T U T U M.

Contritionis

Domine JESU Christe Salvator meus qui pro me misero peccatore, in Cruce crudelissime mori dignatus es; amo Te super omnia, amando vero doleo ex toto corde meo quod Te aliquando DEUM et creatorem meum ego pulvis et cinis offenderim. Detestor propter amorem Tuum omnia et et singula peccata mea, statuoque firmiter cum auxilio gratiae Tuae nunquam amplius peccare. Spero in misericordia Tua, in meritis passionis acerbissimae et mor-

lis Tuæ, nec non confido in auxilio ac intercessione SS. Virginis Matris Tuæ et omnium Sanctorum ac Sanctarum quorum interventu, Te debita atque peccata mea dimissurum spero, sicut et ego dimitto ob amorem Tuum omnibus, qui me quandoque et quomocunque offenderunt. Adjuva me Domine DEUS, nec unquam me amplius peccare permittas.

Fidei.

Credo SSmam Triadem esse Patrem et Filium ac Spiritum Sanctum, tres Personas, unius tamen essentiae Deum, justum Judicem qui malos igne æterno inferno punit, bonis vitam in Coelis largitur. Credo et confiteor Jesum Christum esse verum DEI Filium, qui Homo factus quod non erat assumpsit, non quod erat amisit; natus ex MARIA Vtrigine, in Cruce mortuus propter salutem nostram, futurus Judex vivorum et mortuorum. Credo Spiritum

Sanctum tertiam SSmae Triadis Personam
 proeedentem a Patre et Filio, utrique ae-
 qualem. Credo in SSmo Eucharistiae
 Sacramento esse verum Corpus et san-
 guinem Domini nostri JESU Christi. Cre-
 do in Ecclesia Sancta Catholica esse se-
 ptem invisibilis in nobis gratiae, visibilia
 signa; haec autem sunt: Baptismus, Con-
 firmatio, poenitentia, Eucharistia, Extrema
 Unctio, Ordo, et matrimonium. Insuper
 credo, ac confiteor, firmaque fide teneo
 omnia atque singula, quaecunque Eccle-
 sia Sancta Catholica credenda proponit:
 est autem Ecclesia; caetus Hominum ean-
 dem fidem consitentium, sub uno supre-
 mo Pastore Romano Episcopo, Christique
 Vicario, ac legitimo Petri Successore, de-
 gentium. In hac fide mori cupio, pro ea
 sanguinem fundere paratus: nunque pro
 semper, quidquid Ecclesia definiverit, ego
 probō, quidquid vero anathematizaverit

vel reprobaverit ac condemnaverit, ego quoque reprobō, anathematizo atque condemno.

S. p. e. i.

Omnem spem meam, in Te colloco DEUS meus, et quidpuid possum habere boni sive Spiritualis sive corporalis et in hac et in altera, vita id totum desidero, spero et volo solum consequi de Tua manu DEUS meus, vita mea et unica spes mea.

A. m. o. r. i. s.

Amo. infinitam bonitatem Tuam propter se ipsam ex toto affectu cordis et animae meae; et vellem si possem amare eo amore, quo Te amant Angeli et Homines justī, cum puorum amore conjungo imperfectissimum amorem meum: imo vellem Te amare eo amore, quo Te ipsum amas DEUS meus; sed quia id praestare nequeo, igitur in complementum imperfecti amo-

ris mei, volo me totum quantus, quantus sum impendere, et procurare ut ab omnibus Tibi serviatur, atque omnes Homines Te glorificent et ament Te Deum Creatorem suum. Ex amore et propter amorem Tuum consigno Tibi hodie et in perpetuum, corpus et animam meam, omnes potentias meas, memoriam, intellectum voluntatem et omnes sensus meos. Propono firmissime impendere omne esse meum, facultates ac vires meas ad servitium, gloriam et amorem Tuum; paratus suscipere quascunque adversitates Paterna Tua manus mihi immiserit, ad dandum gustum Beatissimo Cordi Tuo. Denique ex amore et propter amorem Tuum, protestor me non confentire neque consensurum unquam, quantum in me est in ullam rem, quae fiat vel cum minima offensa Tuae Divinae Majestatis. Quod vero Te aliquando offenderim, in compensationem omnium negligentiarum mearum, pro

eoque quod me tam ingratum Peccatorem
 hucusque toleraveris, offero Divinae Ma-
 jestati Tuae, in unione meritorum pasi-
 onis, vitae, et mortis Christi, Beatissimae
 semper Virginis et omnium Sanctorum,
 ex nunc pro semper, omnia opera mea
 pretiosissimo sanguine JESU Redemptoris
 nostri lota et involuta. Insuper illa om-
 nia opera bona, quae faciunt Haeretici,
 Schismatici aliique Peccatores, quae illis
 prodesse nequeunt, prodesse vero, si
 Te perfecte amare et diligere vellent, que-
 madmodum ego Te amare et diligere volo.
 Illa ergo omnia opera bona, quasi per
 me facta Tibi DEUS offero, Tu misericor-
 dissime in satisfactionem pro omnibus pec-
 catis et negligentis meis acceptare digne-
 ris. Volo etiam me participem fieri om-
 nium Indulgentiarum hujus diei, quas pro
 desse cupio peccatrici animae meae. Tan-
 dem iterum, iterumque doleo o! DEUS
 meus, quod Te aliquando offenderim;

te propterea doleo quia Tu es bonus et infinite bonus, ego vero tam bonum offendi. Nolo Te amplius tam bonum Deum offendere, quem amo, et summum bonum, omnibus bonis amando praefero. Volo confiteri peccata mea. DEUS propitius esto mihi maximo peccatori. Amen.

Post' hac dic quotidie devote sequens:

O! Rector universae mundi Fabricae DEUS, lumen de lumine, qui omnia sapienter disponis, et gubernas cuncta suaviter: in quo omnes thesauri sapientiae et scientiae DEI reconditi, a quo omnes Philosophi et sapientes mundi suam scientiam acceperunt; provolutus ad thronum Tuae pietatis accedo, et Te laudans DEUS meus adoro, ut tenebras obtusi et caliginosi ingenii mei, lumine et splendore gratiae Tuae caelestis, illustrare digneris, quatenus scientia litterarum imbutus, Te

intelligam, Tibique devotum exhibeam famulatum; ne Tuis muneribus abuteus, ad superbiam vitae et saeculi vanitatem, inde sumam pereundi materiam, unde debueram accipere salutis remedium, Qui vivis et regnas in saecula Amen.

Concede mihi quaeso Omnipotens et misericors DEUS, quae Tibi sunt placita, diligenter et ardentem concupiscere, prudenter investigare, et perfecte adimplere. Ad laudem et gloriam Nominis Tui, ordina statum meum; et quod a me requiris ut faciam, tribue ut sciam, possim et velim; daque exequi ut oportet, et expedit saluti animae meae. Via mihi quaeso ad Te sit tuta, recta et consummata, non deficiens inter prospera et adversa; ut in iilis non extollar, et in istis non deprimar: ut in prosperis gratias Tibi referam; et in adversis servem patientiam. De nullo gaudeam nisi quod promoveat ad Te;

ad Te; neque doleam nisi quod abducatur à Te. Nulli placere appetam vel displicere timeam, nisi Tibi. Omnia in charitate da facere; et quod ad cultum Tuum non pertinet, quasi mortuum reputare. Actiones meas da peragere non ex consuetudine; sed ad Te referre cum devotione Vilescent mihi omnia transitoria propter Te, et chara sint mihi omnia Tua et Tu DEUS plus quam omnia. Taedeat me gaudii quod est sine Te, nec cupiam aliquid quod est extra Te. Delectet me omnis labor qui est propter Te; et taediosa sint mihi omnis quies, quae non est in Te. Frequenter et ferventer da mihi dulcissime Domine cor meum ad Te dirigere, et defectionem meam cum emendationis proposito, dolendo pensare. Fac me DEUS meus humilem sine fictione, hilarem sine dissolutione, tristem sine dejectione, maturum sine gravitate, agilem sine

levitate, veracem sine duplicitate; Te timentem sine desperatione, in Te sperantem sine praesumptione: castum sine corruptione, proximum corripere sine indignatione; diligere sine simulatione, ipsumque aedificare verbo et exemplo sine elatione: obedientem sine contraditione, patientem sine murmuratione. Da mihi dulcissime JESU cor pervigil, ita ut illud nulla a Te abducat curiosa cogitatio; da immobile, quod nulla deorsum trahat indigna affectio; da invictum, quod nulla perturbet tribulatio; da liberum, quod nulla sibi vendicet violenta delectatio, et da rectum, quod nulla seorsum obliquet sinistra intentio. Largire mihi dulcissime DEUS meus, intellectum Te cognoscentem, diligentiam Te quaerentem, sapientiam Te invenientem, conversationem Tibi placentem, perseverantiam Te dulciter et fiducialiter expectantem, fiduciam te feliciter amplectentem. Tuis poenis configi per

paenitentiam; Tuis beneficiis uti in via per gratiam; et gaudiis Tuis frui in Patria per gloriam. Amen.

Respice piissime Pater Ecclesiam Tuam, Sanctam, Catholicam Apostolicam; una cum Beatissimo Papa Nostro N. da ei verbo et exemplo quibus praest proficere, ut una cum grege sibi credito ad vitam perveniat sempiternam: subiice ei omnes barbaras Nationes; Judaeos quoque Schismaticos, et Haereticos ad agnitonem Tui Nominis compelle, atque errabundas oviculas in sinum Sanctae Matris Ecclesiae reducere digneris. Fiant etiam Domine oculi Tui intendentes super Regnum istud, Serenissimum Regem nostrum N. et super omnes Proceres, status et ditiones Regni istius; super Regionem istam et omnem Christianum populum; sapientiam, pacem, charitatem et omnia quae nosti esse necessaria, clemens et propitius tribuere digne.

ris. Sed et propitius intuere, atque respice istam ab omni adversitate Familiam, ut te Rectore, Te Duce, sic transeamus per bona temporalia, ut non amittamus aeterna. Religionem meam assidue gubernare Seraphicam, et in finem saeculi illaesam conserva. Domum istam quam Tui Servuli incolunt, ab omni periculo libera, nobisque necessaria largire; charitatem cordibus nostris infunde, ut sit inter nos domicilium incolumitatis, stabilitatis, et pacis. Superiores meos in administrando sibi credito grege fac vigilare; Subditos vero vitam mandatorum Tuorum currere, et ad Te qui vita es, da nobis omnibus in Te confidentibus feliciter pervenire. Benefactoribus Nostris sempiterna bona retribue; et fidelibus defunctis, requiem aeternam concede. Amen.

Ante inchoationem uniuscuiusque operis.

Oro Te o Domine JESU, da puram, rectam, simplicemque in omnibus actionibus meis opinionem et propositum, ne quid in hac vita quaeram vel etiam cupiam praeter id quod mihi salutare, Tuae Divinae Majestati beneplacitum, et proximis meis sit fructiferum. Amen.

Opere iam absoluto.

Virtus nostra Domine DEUS in Te solo est, frustra sudamus, nihilo proficimus, gratiae Tuae destituti auxilio. Gratias ergo immensas Tibi refero, pro Clementissima Tua laboris mei benedictione, sine qua nihil ad effectum deduxissem: Tu enim es solus sapientia, Tu solus fortitudo, per Te confeci haec omnia Tuae ergo gratiae haec accepta fero. Qui vivis et regnas.

Orat. domo exeuntis.

V. Vias Tuas Domine demonstra mihi.
 R. Et semitas Tuas edoce me. V. Gressus meos dirige secundum eloquium Tuum. R. Ut non dominetur mei omnis iniustitia. V. Perfice gressus meos in semitis Tuis. R. Ut non moveantur vestigia mea. V. Averte oculos meos ne videant vanitatem. R. In viam Tuam vivifica me. V. Custodi Domine introitum et exitum meum. R. Ut stantes sint pedes mei in atriis Tuis Jerusalem. V. Domine exaudi orationem meam. R. Et clamor meus ad Te veniat. V. Dominus vobiscum. R. Et cum Spiritu Tuo.

OREMUS

Domine JESU Christe Fili DEI vivi, per quinque plagas Corporis Tui, sana et custodi quinque sensus corporis mei, et omnia interiora mea; et depelle omne ne-

fas adversantium mihi vitiorum per virtutem Sanctae Crucis Tuae et me munitum Tuo auxilio, ad portum salutis aeternae, ab omni cogitatione peccati immunem perducere digneris. Precor vos omnes Sancti Angeli, ut vestra intercessione mihi detur auxilium et potentia, ut nullus Inimicus mihi nocere possit in via nec aqua nec igne, nec dormientem, nec vigilantem opprimat. Adesto quaesumus Domine supplicationibus Nostris, et viam Famulorum Tuorum in salutis Tuae prosperitate dispone, ut inter omnes viae et vitae hujus varietates, Tuo semper protegatur auxilio. Per Christum.

V. Procedamus in pace.

V. In Nomine Christi Amen.

Orat. domum redeuntis.

V. Beati qui habitant in domo Tua Domine, R. In saecula saeculorum laudabunt Te. V. Repleatur os meum laude. R. Ut cantem gloriam Tuam, tota die

magnitudinem Tuam. V. Averte faciem Tuam a peccatis meis. R. Et omnes iniquitates meas dele. V. Cor mundum crea in me DEUS. R. Et Spiritum rectum innova in visceribus meis. V. Domine exaudi orationem meam. R. Et clamor meus ad Te veniat. V. Dominus vobiscum. R. Et cum Spiritu Tuo.

OREMUS.

Omnipotens sempiterne DEUS, miserere Famulo Tuo, et quidquid mihi in via surripuit visus, vel auditus, aut otiosi sermonens, id totum ineffabili pietate Tua clementer indulge. Per Christum Dominum,

V. Sit Nomen Domini benedictum.
R. Ex hoc nunc et usque in saeculum Amen.

Orat. introeuntis Coemeterium.

Salvete vos omnes fideles animae quorum corpora hic et ubique requiescunt in pulvere. Dominus noster JESUS CHRISTUS,

qui nos et vos redemit suo pretiosissimo sanguine, dignetur vos a poenis liberare, et caetui Angelorum aggregare: ibique Nostri memores exorate, ut et vobis associemur, et in coelis vobiscum coronemur. Amem.

Orat, praetereuntis Imag. Crucifixi.

Salva nos Christe Salvator per virtutem Sanctae Crucis, qui salvasti Petrum in mari, miserere nobis. V. Omnis terra adoret Te et pfallat Tibi. R. Psalmum dicat Nomini Tuo Domine.

OREMUS

DEUS qui Sanctam Crucem ascendisti, et tenebras mundi illuminasti; Tu corda et corpora nostra per virtutem S. Crucis illuminare dignare. Qui vivis: cum DEO Patre.

Orat. exeuntis e Coemeterio.

Valete vos omnes fideles animae, quae iacetis in gremio terrae longe lateque benedicat vos sol justitiae, et claritate luminis sui perfrui vos faciat sine fine. Amen.

OREMUS.

Respice quaesumus Omnipotens DEUS super animas Famulorum Famularumque Tuarum, et omnium fidelium defunctorum, et omnium Christianorum; pro quibus salvandis, nudus expansis manibus in Cruce pependisti, et quinque vulnera pertulisti, amaramque mortem subire voluisti. Qui vivis.

Oratio Ecclesiam ingredientis.

Aufer a me quaeso misericordissime DEUS omnes iniquitates meas, ut ad Sancta Sanctorum, pura, contrita et indistracta, mente, valeam introire. » Introibo in domum

»Tuam Domine; adorabo ad Templum
 »Sanctum Tuum et confitebor Nomini Tuo.
 »Introibo in domum Tuam in holocaustis;
 »reddam Tibi vota mea, quae distinxerunt
 »labia mea. Quoniam ad Te orabo Do-
 »mine; mane exaudies vocem meam. Ma-
 »ne astabo Tibi et videbo; quoniam non
 »DEUS volens iniquitatem Tu es. Beati qui
 »habitant in domo Tua Domine; in saecula
 »saeculorum laudabunt Te.

Orat. aqua benedicta se aspergentis.

Asperges me Domine hyssopo et mun-
 dabor; lavabis me et super nivem dealba-
 bor. V. Miserere mei DEUS secundum ma-
 gnam misericordiam Tuam. Gloria Patri
 et Filio. Lavabis me. V. Ostende nobis
 Domine misericordiam Tuam. R. Et salu-
 tare Tuum da nobis:

OREMUS

Praesta quaesumus Omnipotens DEUS per

hujus aquae aspersionem sanitatem corporis, integritatem mentis, tutelam salutis, securitatem spei, corroborationem fidei hic et in aeterna saecula saeculorum Amen.

Dein flexis genibus dic.

Omnis terra adoret Te et psallat Tibi; psalmum dicat Nomini Tuo. Flecto genua mea ad Patrem Domini Nostri JESU Christi, ex quo Paternitas in coelo et in terra nominatur. Ave-benigne JESU; beatus venter qui Te portavit, et ubera quae suxisti, Ave verum Corpus, natum de MARIA Virgine, vere passum immolatum in cruce pro homine, cujus latus perforatum, unda fluxit et sanguine esto nobis praegustatum in mortis examine. O dulcis! o pie! o JESU Fili MARIAE miserere mei. Amen.

Præpdratio ad devotionem.

Omnipotens, clemens, et misericors

DEUS, Tibi omnes Caelites, cives Superni,
 et cuncti Beatorum Spirituum Ordines
 gloriam et honorem suppliciter adorantes
 concinunt sine fine. Te Domine omnes
 Sancti et animae justorum magnifice et
 honorabiliter laudant; Te enim decet
 omnis honor et gloria; nec ulla est cre-
 atura quantumvis praestans ac felix, quae
 Te satis digne extollere et praedicare pos-
 sit. Tu enim es summum illud et infi-
 nitum ac incomprehensibile bonum. Tu
DEUS me creasti; Tu me perditum beneficio
 dilectissimi Filii Tui, qui in Cruce pro nobis
 passus est, redemisti; Tibi uni quidquid vel
 in corpore vel in anima boni possideo, ac-
 ceptum ferre cogor. Ah miser ego homi-
 nicio, portio quaedam Tu iplasmatis, reptile
 quoddam, desiderio magno Te laudare con-
 cupisco, Te exaltare cupio, Tibi benedi-
 cere et gratias agere exopto: sed hoc
 quamvis amore Tuo ardeam, sine Tua
 gratia praestare nequeo. Te igitur oro

DEUS meus, vita mea fortitudo mea, spes et salus mea unica, dignare me laudare Te. Tu largire et propitius concede ut Te digne glorificare possim, utque Tibi mea laus placeat; Da mihi lumen Tuæ gratiæ in corde, verbum in ore ut cor meum meditetur gloriam Tuam, et lingua mea tota diè cantet laudem Tuam Sed qui, non est pulchra laus in ore peccatoris, et quia Vir pollutus labiis ego sum, obsecro munda cor meum ab omni inquinamento. Sanctifica me Sanctificator omnipotens interius et exterius et fac me dignum laudibus Tuis. Suscipe benigne sacrificium labiorum meorum fiatque acceptabili in conspectu Tuo, et ascendat ad Te in odorem suavitatis. Memoria Tua Sancta et dulcedo suavissima, possideat totam animam meam atque in invisibilium amorem rapiat eam. Fac Domine meus ut transferatur anima mea de visibilibus ad invisibilia, de terrenis ad coelestia, de

temporalibus ad aeterna bona, transeat hinc et videat visionem mirabilem. O! DEUS mitissime moderare cor meum, ut Tibi debitum et convenientem honorem perpetuo deferat. Tribue mihi ut in hac peregrinatione et lachrymarum valle sic Te possim laudare, ut per Tuam misericordiam et gratiam eorum consortio adjungar, qui Te semper vident, ei sine fine in coelo laudant. Amen:

Confessio Precatoris.

Aspice animam meam o! Pater misericordiae, quam secundum imaginem Tuam creasti, et sanguine dilecti Filii Tui ablutam mundasti. Hanc autem ego peccatis meis sic pollui ac defaediavi; ut vix possit, agnosci. O! Pater optime Filius Tuus fui, quem tanta gratia comprehenderas et beneficiis cumulaveras. Fui in domo Tua cum honore et dignitate. In Sacramento Baptismi clementer me adoptave-

ras. Filii et Haereditas mihi locum dederas;
 sed ego ingratus et impie me gessi, eo
 pessimus quo Regii Sacerdoti Tui charac-
 tere insignitus: haereditatem Tua clemen-
 tia mihi oblatam turpiter vivendo dissipavi;
 flore juventutis, pulchritudine corporis,
 et animae bonis, omnibus voluntate mea,
 facultatibus praeterea ad voluptatem carnis,
 ad gaudia hujus mundi, in superbia, cra-
 pula, invidia, libidine, avaritia, in acedia re-
 bellione et inobedientia in libertate carnis pes-
 sime abusus sum. Nunc cum nihil mihi su-
 per sit, cum omnia amiserim, cum merito
 meo Divina gratia et amore sum privatus;
 sedeo juxta lintrum carnalium voluptatum
 et Tuae gratiae ac dignitatis qua me affe-
 ceras, oblitus sum. Cupiditatem meam
 furfureo porcorum pastu explere cupio,
 hoc est quaero carnales mundanasque de-
 licias, quibus me saturare gestio. Sed
 non nutri iste cibus, neque hec fatiant
 glandes.

Omnes namque temporales hujus mundi et carnis voluptates vanissimae certe sunt, et velut ventus evanescent. Omnis caro faenum est, omnis gloria hominis, veluti flos graminis. Hodie qui superbit divitiis, cras subita paupertate maeret: hodie incolumis incedit, cras infirmus decumbit: hodie vivit et spirat, cras moritur iacetque exangue cadaver: hodie in magna pompa exultat, cras adfertur triste feretrum et lamentabile funus producitur. Te igitur oro o! misericors Pater, averte faciem Tuam a peccatis meis, neve eorum in ira et furore Tuo memineris. Respice me placatus et miserere mei, sum enim longe infelicissimus et miserrimus. Mea culpa, mea vita impia. Tua gratia me indignum feci. Malis concupiscentiis vulneratus sum et laethaliter quidem, nihil sani est in carne mea. Saepe Spiritum Sanctum Tuum offendi, quod magis libidini meae obse-

cutus quam inspirationi Divinae morem gessi. Sed o! clemens Pater Te oro, ne proicias me a facie Tua. Tu a mundi exordio neminem peccatorum aversatus es, aut contemptum reiecasti, qui ex corde Tuam gratiam et auxilium expetiit. Sic et ego igitur Filius perditus ad Te o! Pater benignissime in summa necessitate venio, ad pedes Tuæ Majestatis me provolvo, et sine ulla reticentia peccatorum meorum, magnitudinem pondus varietatem et multitudinem confiteor. Haec fecerunt ut non sim dignus vocari Filius Tuus sed oro Te o! Pater benigne et misericors, fac me sicut unum ex mercenariis in domo Tua; da mihi ut poenitentiam agam in tempore gratiae. Pasce me et fove me pane verbi Tui, et cibo salutari me recrea, ut secundum sermones Tuos perseveranter vivam, et ut per misericordiam Tuam atque pietatem Paternam in gratiam recipi merear, et restituar in dignitatem Filiorum

DEI, et aeternae haereditatis portionem in
Aula Tua coelesti nanciscar. Amen.

Preces S. P. Francisci praep. ad Div. Off.

V. Sanctus, Sanctus, Sanctus Domi-
nus DEUS noster omnipotens, qui erat,
qui est, et qui venturus est. R. Et lau-
demus et superexaltemus eum in saecula.
V. Dignus es Domine DEUS noster accipere
laudem et gloriam et honorem et bene-
dictionem. R. Et laudemus et superexal-
temus eum in saecula. V. Dignus est
Agnus qui occisus est accipere virtutem
et Divinitatem, et sapientiam et fortitudi-
nem, et honorem et gloriam et benedictio-
nem. R. Et laudemus et. V. Benedica-
mus Patrem et Filium cum Sancto Spiri-
tu. R. Et laudemus et. V. Laudem dicite
DEO omnes servi ejus, et qui timetis Deum
pusilli et magni. R. Et laudemus et. V.
Laudent illum gloriosum Coeli et terra,

et omnis creatura quae in coelo est et super terram et subtus terram; mare et terra et omnia quae in eis sunt. R. Et laudemus et. V. Gloria Patri et Filio et Spiritui Sancto. R. Et laudemus et. V. Sicut erat in principio et nunc et semper et in saecula saeculorum. R. Et laudemus et superexaltemus eum in saecula. Amen.

OREMUS.

Omnipotens Sanctissime Altissime et summe DEUS, summum bonum, omne bonum, totum bonum, qui solus es bonus; Tibi reddamus omnem laudem, omnem gloriam, omnem honorem, omnem benedictionem, et omnia bona Tibi referamus semper, per JESUM Christum Filium Tuum, Dominum nostrum. Amen.

Post quamlibet vero Horam sequentes Oratiunculas devote recitantibus, Benedictus Papa XII. duodecem millia dierum, et

omnium negligentiarum ex distractione non voluntaria in Divinis Officiis commissarum, Indulgentiam concessit.

Post Matutinum.

Patris Sapiaentia, Veritas Divina **DEUS**
Homo captus est hora matutina.

A suis Discipulis cito derelictus Judaeis est traditus, venditus afflictus.

Ita Pater, qui sic placitum est ante Te, ut patiar pro illis, fiat. O! amor salutis humanae: Benedictus **DEUS**, et Pater immensae misericordiae in saecula. Amen.

Et similiter ad singulas Horas.

V. Proprio Filio non pepercit **DEUS**.

R. Sed pro nobis omnibus tradidit illum.

ORATIO.

Domine JESU Christe, Fili DEI vivi, qui hora matutina pro nobis peccatoribus, post effusionem sanguinei sudoris, traditi, capi, trahi et ligari, alapis caedi et conspuisti, et cum gloria resurrexisti;

fac-nōs quaesumus contumelias et opprobria, pro Tui Nominis gloria laetanter suscipere, et sic Tuæ Sacratissimæ Passionis memoriam recordari, ut ad piæ resurrectionis gaudia feliciter pervenire mereamur. Qui vivis etc.

Post Primam.

Hora prima Dominum ducunt ad Pilatum.

Falsis testimoniis multum accusatum.

In collum percutiunt manibus ligatum.

Vultum DEI conspuunt lumen Coeli gratum.

Ita Pater, quia sic placitum estante Te etc. ut supra.

V. Insurrexerunt in me Testes iniqui.

R. Et mentita est iniquitas sibi.

ORATIO.

Domine JESU Christe Fili DEI vivi, qui prima hora diei pro nobis peccatoribus, contumeliose instar latronis impio Judic

Pilato es praesentatus, et saevientium contra Te crudelissimas voces, tanquam agnus mansuetus patientissime tolerasti; da nobis pro Tui Nominis gloria ut cum astiterimus Tuo terrifico Tribunali, non damnemur aeterno supplicio, sed cum Tuis fidelibus Coelestibus consolari mereamur. Qui vivis etc.

Post Tertiam.

Crucifige clamitant hora tertiarum
Illus induitur veste purpurarum.

Caput ejus pungitur corona spinarum.

Crucem portat humeris ad locum
paenarum.

Ita Pater etc. ut supra.

V. Supra dorsum meum fabricaverunt
peccatores.

R. Prolongaverunt iniquitatem sibi.

ORATIO.

Domine JESU Christe Fili DEI vivi, qui
hora diei tertia flagellis caesu et spinis

coronatus fuisti, et ad Crucis tormenta pro salute mundi, Crucem Tuam sacris humeris portauit ductus es; Te suppliciter exoramus, ut per virtutem Tuæ Sacratissimæ Passionis, omnia peccata nostra deleas et ad Tuæ beatitudinis gloriam sempiternam nos misericorditer perducas. Qui vivis etc.

Post Sextam.

Hora sexta **JESUS** est cruci conclavatus.

Et est cum latronibus pendens reputatus.

Prae tormentis sitiens felle saturatus.

Agnus crimen diluens, sic ludificatus.

Ita Pater etc. ut supra.

V. Foderunt manus meas et pedes meos.

R. Dum everaxerunt omnia ossa mea.

ORATIO.

Domine **JESU** Christe Fili **DEI** vivi, qui ad exprimendum ad Te revertentibus Tuæ

benignitatis affectum hora sexta Tua Sanctissima brachia in crucis patibulo extendisti, et in Sacratissimo corpore Tuo pro nostris sanandis vulneribus quinque pertulisti vulnere, nostramque salutem sitiens felle et aceto potari Te permisisti; da nobis in sanguine Tuo proficere, et amore Tuo fervere, ut Tuis mereamur amplexibus aeternaliter inhaerere. Qui vivis etc.

Post Nonam.

Hora non Dominus JESUS exspiravit.

Heli clamans animam, Patri commendavit.

Latus ejus lancea Miles perforavit.

Terra tunc contremuit, et sol obscuravit.

Ita Pater etc. ut supra.

V. In manus Tuas Domine commendo Spiritum meum.

R. Redemisti nos Domine DEUS veritatis.

ORATIO.

Domine JESU Christe Fili DEI vivi, qui hora diei nona, expansis in cruce mani-

bus et inclinato capite clamans et lachrymans DEO Patri Spiritum tradidisti et in dulcissimi lateris Tui apertione, in pretium nostrae Redemptionis sanguinem Tuum fudisti, latronemque sero proenitentem in Paradisum suscepisti; da nobis indignis Famulis Tuis in hora mortis nostrae animas nostras ad Te, qui vere Paradisus es, misericorditer pervenire. Qui vivis etc.

Post Vesperas.

De Cruce deponitur hora vespertina.

Fortitudo latuit in mente Divina.

Talem mortem subiit, vitae medicina.

Heu corona gloriae jacuit supina.

Ita Pater etc. ut supra.

V. Christus factus est pro nobis obediens usque ad mortem.

R. Mortem autem crucis.

ORATIO.

Domine JESU Christe Fili Dui vivi, aeternae beatitudinis Conditor, qui hora ves-

pertina de cruce in Tuæ Matris sinum depositus, conditus es aromatibus; concede propitius ut depositis nostrorum peccatorum sarcinis, ante conspectum Divinae Maiestatis Tuæ præsentati inter Sanctos et electos Tuos tecum æternaliter gaudeamus. Qui vivis.

Post Completorium.

Hora Completorii datur sepulturae.

Corpus Christi, nobile, spes vitæ futuræ.

Conditur aromate, complentur scripturæ.

Jugi sit memoriæ, mors hæc mihi curæ.

Ita Pater etc. ut supra.

V. In pace factus est locus ejus.

R. Et in Sion habitatio ejus.

ORATIO.

Domine JESU Christe Fili DEI vivi qui hora Completorii sepultus es, et a Matre Tua maestissima et ab aliis Mulieribus planctus, lamentus fuisti; fac nos Domine gementes et lamentantes, Tuam devotissime

de plangere Passionem; cujus nos memoriam recolentes, de exilio ad Patriam, de labore ad requiem, de maerore ad Beatissimae Tuae visionis consolationem pervenire concedas. Qui vivis etc.

Commendatio.

Has horas canonicas cum devotione.
Tibi Christe recolo pia ratione.
Ut qui pro me passus es amoris ardore.
Sis mihi solatium, mortis in agone.

Susprium.

Eheu! Domine mi! quando pura simplici et laeta mente Te colam; quando quietâ, serena et stabili conscientia Tibi serviam; quando ab immensitate amoris Tui absorbebitur cor meum! quid volo praeter Te, aut quid omnia mihi prodesse possunt sine Te, Tu solus sufficis animae meae! o DEUS meus et omnia.

ORATIO.

*Pro supplemento, negligentioe in horarum
recitationem, post expletum officium
dicenda.*

O Bone JESU! propitius esto mihi peccatori! ego tepidum et distractum officium commendo mellifluo cordi Tuo emendandum, in satisfactionem efficacissimam Divinae Tuae justitiae: Tibique offero ad salutem omnium tam vivorum quam defunctorum, in unione meritorum Ecclesiae militantis et triumphantis, in unione illius perfectissimae attentionis Tuae, qua Patrem orasti et laudasti in terris, responde quaeso, satisfac et supple pro me plenissime.

ALIA ORATIO.

*Quam cuilibet Sacerdoti dicenti ante Ho-
ras Canonicas Sixtus Papa concessit
30. Annos Indulgentiarum.*

Confiteor Tibi Rex Coeli et terrae

omnia peccata quae commisi a die nati-
 vilitatis meae usque nunc mortaliter, venia-
 liter, et quocunque modo, nocte, die,
 cogitatione, verbis, operibus, consensu,
 et aliis quibuscunque modis adversus Sa-
 cratissimam voluntatem Tuam et mandata
 peccando, aut quavis negligentia commit-
 tendo: Tibi soli confiteor et veniam peto,
 ne Tua ira veniat super me miserum et
 maximum peccatorem. Tibi Domine ho-
 die et quotidie commendo animam meam
 et corpus meum, et precor Te ut mihi
 indulgere digneris omnia peccata, et esto
 misericors mei miserrimi, et perducere
 me digneris ad vitam aeternam, propter
 nomen Tuum Sanctissimum, cui soli laus,
 honor, gloria, decus, potestas et imperium,
 in saecula saeculorum. Amen.

ORATIO.

*Quam flexis genibus post Div: Offic: devo-
 te recit; Leo X. culpas in eo ex humana
 fragilitate contractas, indulsit.*

Sacrosanctae et Individuae Trinitati, Crucifixi Domini Nostri Jesu Christi Humanitati, Beatissimae, gloriosissimae semperque Virginis MARIE faecundae integritati, et omnium Sanctorum universitati, sit sempiterna laus, honor, virtus et gloria, ab omni creatura, nobisque remissio omnium peccatorum per infinitam saecula saeculorum. Amen.

V. Beata viscera MARIAE Virginis quae portaverunt aeterni Patris Filium R. Et beata ubera, quae lactaverunt Christum Dominum Pater noster. Ave MARIA.

ORATIO FINALIS.

V. Non nobis Domine non nobis.

R. Sed nomini Tuò da gloriam.

OREMUS

Suspice clementissime DEUS, precibus et meritis, Beatae MARIAE semper Virginis, Beati Patris Nostri Francisci et Omnium

Sanctorum et Sanctorum officium servitutis nostrae; et si quid dignum laude egimus propitius respice; et quod negliger actum est, clementer ignosce. Qui in Trinitate perfecta vivis et regnas DEUS, in saecula saeculorum. R. Amen.

*Tuam conversus ad imigiuem Crucifixi
profunde inclinatus dic.*

V. Adoramus Te Christe et benedicimus Tibi.

R. Quia per Sanctam Crucem Tuam redemisti Mundum, miserere nobis.

Ad S. S. Euch. Sacramentum.

V. Laudetur S. S. Sacramentum.

R. Et nunc et semper et in saecula saeculorum. Amen.

*Denique percutiundo pectus ter, recessurus
e locó dic. Deus propitius etc.*

PARS II.

P A R S II.

P R E C A T I O N E S.

L I T U R G I C A E.

ANTE ET POST MISSAM

Ante Confessionem.

Dic: *Veni Sancte Spiritus. etc.* ut sup.
Dein examina serio conscientiam, juxta
illud Pauli: *probet seipsum homo, et sic de
pane illo edat, et de calice bibat qui enim
etc.* I. Cor. II.

Tum discussa conscientia.

ORATIO.

*Pro impetrando dolore et remissione
peccatorum.*

Heu me! quam dura et insensata facta
est infelix anima mea? et quomodo sic
induruit cor meum ut non ingemiscat, et
dolore non tabescat ob multitudinem ini-
quitate suae? O Domine! dives in mise-

ricordia et largus in miserationibus, qui non vis mortem peccatoris, sed ut convertatur et vivat; mollifica cor meum, ut tandem redeat ad se, ut in dolore ac planctu multo lugeat, quod te summum ac infinitum bonum, toties ad justam iram et vindictam provocarit; ut vera cordis contritione, cum pavore et tremore indefinenter doleat, et malis suis illachrymetur, ut tu **DEUS** meus cor contritum et humiliatum non despicias. Succurrite omnes coelites peccatrici huic animae; succurre Mater misericordiae; tuque Angele Custos, et Sancti Patroni mei N. N. coram quibus propono, peccata emendare, occasiones subterfugere, paratus ad **DEI** gloriam, quaecunque adversa tolerare.

ORATIO.

Ante Confessionem.

Suscipe confessionem meam, piissime ac clementissime Domine, **JESU** Christe.

unica spes salutis animae meae; et da mihi
 obsecro contritionem cordis, et lachrymas
 oculis meis, ut defleam diebus ac nocti-
 bus omnes negligentias meas cum humi-
 litate et puritate cordis. Appropinquet
 oratio mea in conspectu tuo Domine. Si
 iratus fueris contra me, quem adiutorum
 quaeram? Quis miserebitur iniquitatibus
 meis? Memento mei Domine, qui Cha-
 nanaeum et Publicanum vocasti ad poeni-
 tentiam, et Petrum lachrymantem susce-
 pisti. Domine DEUS meus suscipe preces
 meas. Salvator mundi JESU bone, qui Te
 Crucis morti dedisti, ut peccatores salvos
 faceres, respice me miserum peccatorem,
 invocantem Nomen Tuum, et noli sic
 attendere malum meum, ut obliviscaris
 bonum tuum. Et si commisi, unde me
 damnare potes, ut non amisisti, unde sal-
 vare soles Parce ergo mihi, qui es Sal-
 vator meus, et miserere peccatrici animae

meae. Solve vincula ejus, et sana vulnera Domine JESU. Te desidero, Te quaero, Te volo, ostende mihi faciem Tuam et salvus ero. Emitte igitur piissime Domine, meritis purissimae et Immaculatae semper Virginis Genitricis Tuae MARIAE et Sanctorum tuorum, lucem tuam et veritatem tuam in animam meam, quae omnes defectus meos in veritate mihi ostendat, quos confiteri me oportet: atque juvet et doceat ipsos pleno et contrito corde explicare. Qui vivis et regnas.

ACTUS.

Solidae Contritionis.

O amabilissime Domine JESU Christe, amor meus, pro me crucifixe, amo Te super omnia toto corde, ob infinitam bonitatem omnesque Divinas perfectiones Tuas, et si possem omnium Angelorum et Sanctorum tuorum amore, Te amarem, nam omni amore es dignissimus. Et quia

sic Te amo, poenitet me, et toto mentis affectu doleo, quod ego vilissima creatura Tue, contra Te optimum Deum meum, cui omne peccatum vehementissime displicet, unquam peccaverim; o! si te non offendissem! o non egissem id, quod Sanctissimae Tuae voluntati et amori sic contrarium est. Revoco, retracto, detestor, annulo, et quantum possum annihilolo, quidquid feci cogitatione, verbo, opere, et omissione contra Te cupioque ac desidero, tota anima mea id me non fecisse. Heu! poenitet me iterum atque iterum et millies, poenitebitque tota vita mea. Et quamvis nulla poena aut infernus esset, nullum coelum; tua tamen amabilissima bonitas, a me offensa, sufficit ut cor dolore disrumpatur, et oculi flumina lachrymarum profundant. Propono firmissime cum gratia tua, Sanctissimae tuae legi in posterum obedire, peccatum quodvis super omne aliud malum vitare,

integre confiteri, poenitentiam injunctam explere, proximo meo si quid teneor et debeo satisfacere, offendenti Te occasiones, quantum possum fugere. Condono omnibus omnes injurias et offensas mihi factas, sicut meas a Te mihi peto condonari. Offero Tibi vitam et actiones meas bonas, cum gratia tuâ a me faciendas, et omnes afflictiones (quas juste pro peccatis meis mereor) a me sustinendas, in aliquam compensationem tot offensarum et injuriarum a me tibi illatarum. Insuper offero tibi intensissimos compunctionis et detestationis affectus, quos unquam vere poenitentes et sua vel aliena peccata deflentes elicuerunt, et deinceps elicient; quos omnes siego solus possem, et si tibi placeret, eos mihi dare, et alios omnes possibles elicere desidero. Offero inquam haec omnia in unione perfectissima lachrymarum tuarum, quibus o Amantissime JESU nostra peccata deflevisti: laborum

item et cruciatuum, quibus eadem expiasti, et omnium meritorum tuorum, per quae spero veniam peccatorum meorum, et uberem gratiam, a misericordissimis visceribus tuis, ut me emendem, et piam ac bonam vitam instituam.

ORATIO.

Jam jam confessuri.

Scrutator cordium DEUS, miserere nunc peccatricis animae meae, ejusque clementer et vincula solve, et vulnera sana. Da cordi meo contritionem, et lachrymarum fontem oculis meis; ut cum humilitate et puritate cordis omnes iniquitates et negligentias meas digne defleam, et integre aperiam, fructusque sacratissimae Passionis Christi, reviviscat anima mea in vitam aeternam. Amen.

Humiliter itaque prostratus ad pedes Sacerdotis, manibus junctis, et inclinato capite dic clare sed humiliter: Benedicite

Pater. Benedictione accepta; Confiteor Deo etc. usque ad mea maxima culpa. Quo finito conversus ad aures Sacerdotis, accusate hac vel simili forma:

Dolens me accuso coram Deo et Reverentia Vestra, de peccatis a me commissis, a praeterita confessione die. N. Festo N. Injunctam imprimis satisfactionem, pro posse cum auxilio Dei explevi, nihilominus infelix peccator, iterum Dominum Deum sequentibus offendi, videlicet;

Hic enumera species, numerum et circumstantias peccatorum, quibus finitis conclude.

De his itaque et aliis quorum non memini, etiam totius anteactae vitae quamvis jam confessis, vel inculpabiliter oblitis peccatis meis, doleo ex toto corde meo, propono seriam emendationem cum auxilio gratiae Divinae, a te vero Pater, peto salutarem poenitentiam et absolutionem.

Postea, sis inat Sacerdos; dicere poteris flexo poplite; Ideo precor B. M. V. usque ad finem. Et tandem sub tempus absolutionis repetitis vicibus, percutiundo pectus Deus propitius esto mihi peccatori. Vel etiam corde aut ore sequentes Actus.

Credo DEUS meus, et spero quod virtute hujus Sacramenti, per merita Domini mei JESU Christi remittas mihi omnia peccata mea. Doleo et poenitet me, quod Te offenderim; non offendam amplius adjuvante tua gratia, aeternum amabo super omnia: millies mori praestat, quam te unquam deliberate offendere.

ORATIO.

Post Confessionem.

Ad te o benignissime JESU revertor, et gratias ago quod a faedissima peccatorum lepra, mundare me dignatus fueris. Sit nomen tuum o JESU benedictum in saecula. Vere tu JESUS, idest Salvator es,

qui neminem a Te quantumvis flagitiosum repellis, qui omnes serio poenitentes in gratiam recipis, et in numerum Filiorum tuorum adscribis. Misericordiae Tuae viscera o JESU agnosco et amplector, meque totum servitio tuo deinceps addico. Adjuva obsecro imbecillitatem meam, ut nunquam hujus tui mihi praestiti beneficii oblitus, amore illius delectationis aut praeposteri affectus impulsu, in propria peccata relabar, meque a te separem. Cor et animam meam dilectionis Tuae brachiis ita tecum constringo, ut dicere cum Apostolo audeam, me nulla amplius vi separari a charitate tua.

Sed iterum atque iterum, o misericordiarum Pater, ego peccator, coram solio divinae Tuae Majestatis compareo, multitudinem delictorum meorum ad tuos pedes proiicio. Multiplicata erant in carne mea super numerum, et veluti onus grave, gravata sunt super me. Agnosco Do-

mine DEUS hoc Sathanae Regnum esse in me, quod carnis concupiscentiam secutus, in vanitate cogitationum, in levitate verborum, in stultitia operum, in caecitate cordis, in amore mei, in mentitae virtutis colore, et denique in picta demortuae fidei Imagine, miseram, hei mihi, servitutem tantopere sustinui. O dolorem! quod nunquam firmo proposito iniquissimi illius hostis tyrannidem, carnisque meae abiecerim jugum; contra Sanctas ac salutare divini Spiritus inspirationes, obdurato animo seculuserim. Vaemihī qui tot tantisque delictis beneficentissimi Patris indignationem, iramque meruerim. Sed Clementissime Pater, quoniam justitia tua per fidem Jesu Christi, in omnes, et super omnes credentes manifestata est, ut omnes justificationem quae est in Christo Jesu consequerentur, quem tu DEUS proposuisti omnibus propitiationem per fidem in sanguine ipsius: igitur verae fidei in

hoc gratiæ tempore, per JESUM Christum a te Patre augmentum expeto, et propius nomine remissionem delictorum meorum exopto, ut de debito securus, deinceps innovationem vitæ proponens, omnibus impiis concupiscentis inimicus, sobrie, jejune, juste, pie, temperanter, clementer, benigne et humiliter, secundum Divinam voluntatem tuam, in tuo timore hujus vitæ peragam cursum: mundo; carni, peccatisque mortuus, Filius tui Domini mei JESU Christi adventum cupide expectem. Qui tecum vivit.

Hic injunctam poenitentiam si poteris integram, absolute ac tandem pro Coronide.

ORATIO.

Post Confess. finalis.

Sit tibi Domine obsecro, meritis Beatae MARIAE semper Virginis, Genitricis tuæ, et omnium Sanctorum grata et accepta ista confesso mea: et quidquid mihi de-

fuit nunc et alias de sufficientia contritionis, de puritate et integritate confessionis, suppleat pietas Tua et misericordia: et secundum illam, digneris me habere plenius et perfectius absolutum in coelo. Qui vivis.

ORATIO.

*Sacerdotis, praeparatoria ad audiendas
Confessiones.*

ANTIPHONA.

Cor mundum crae in me DEUS, et Spiritum rectum innova in visceribus meis. Ne proicias me a facie tua, et Spiritum Sanctum tuum ne auferas a me. Redde mihi laetitiam salutaris tui, et spiritu principali confirma me. Docebo iniquos vias Tuas, et impii ad te convertentur.

OREMUS.

Omnipotens et misericors DEUS qui me indignum Sacerdotalis officii ministrum fe-

cisti, atque ad orandum et interpellandum Dominum nostrum JESUM Christum Filium tuum pro peccatoribus et ad poenitentiam revertentibus, Mediatorem constituisti, concede mihi propitius, B. MARIA semper Virgine intercedente, cum B. B. Angelis Custodibus nostris et omnibus Sanctis, tuae divinae charitatis affectum, ut quae mei sunt muneris digne valeam implere; ac famulis, famulabusque tuis, ad poenitentiam revertentibus, spiritum verae compunctionis largiri digneris, ut resipiscant a diaboli laqueis, quibus adstricti tenentur, et ad te per dignam satisfactionem et emendationem revertantur. Per eundam Dominum nostrum. Amen.

ORATIO.

Post auditas Confessiones.

Domine JESU Christe, dulcis Amator et Saectificator animarum, purifica obsecro per infusionem Sancti Spiritus, cor meum

ab omni affectione et cogitatione vitiosa, et quidquid a me in meo munere, sive per negligentiam, sive per ignorantiam, peccatum est, pro tua infinita bonitate et misericordia supplere digneris. Commendo in tua amabilissima volnera omnes animas, quas ad poenitentiam traxisti, et tuo pretiosissimo sanguine sanctificasti, ut eas a peccatis custodias, et in amore conserves, in virtutibus in dies magis promoveas, atque ad vitam perducas aeternam. Qui cum Patre, et Spiritu Sancto, vivis et regnas in saecula saeculorum. Amen.

PRECES

Ad lucrandas Indulgentias.

PREPARATIO.

Omnipotens sempiternae DEUS cujus misericordia á peccatis omnibus, aeternaeque damnationis reatu me absolutum confido, quamvis temporalibus paenis obnoxius permaneam: cum vero his diluendis opera

mea non sufficiant, ad inexhaustum meritum Unigeniti Filii tui Domini nostri Jesu Christi, Sanctorumpue thesaurum confugio, ut hujus abundantia tenuitati et indigentiae meae subveniatur. Promptum me ad omnia, quae hunc in finem praestanda sunt, offero, Suscipe ea, o Pater misericordiarum, in unione Passionis et mortis ejusdem Filii tui, plenariaeque hujus Indulgentiae me licet iudignum, fac participem. Amen.

Pater noster. Ave Maria.

AD DEUM PATREM.

Pro Exalt. S. Matris Ecclesiae.

Memento o Pater aeternae, congregationis tuae, quam possedisti ab initio. Agnosce Ecclesiam velut Sponsam Unigeniti Filii tui, pro qua ipse sanguinem suum profundere non dubitavit: hanc obsecro, sanctitatis decore, gratiarum opibus, haereditatis

reditatis amplitudine, ita exalta; ut digna compareat tali sponso, tantoque redemptionis pretio. Respice benigne ejusdem S. Martis Filios, eorumque numero universas gentes associa, ut omnes Te Deum Patrem, et quem misisti Jesum Christum, una cum S. Spiritu; fide viva agnoscant, spe firma invocent, et charitate perfecta complectantur. Amen.

Pater noster. Ave Maria.

V. Vide Domine, et visita vineam istam.

R. Et perfice eam, quam plantavit dextera tua.

OREMUS

Respice quaesumus Domine, super hanc familiam tuam, pro quam Dominus noster Jesus Christus, non dubitavit manibus taadi nocentium, et Crucis subire tormentum. Qui tecum.

AD DEUM FILIUM.

Pro Extirpat Haeresum.

O JESU lux vera, quae illuminas omnem hominem venientem in hunc mundum, fac oro per inaestimabilem passionis et mortis tuae virtutem, ut pulsis haeresum et errorum tenebris, veritatis tuae lumen omnes amplectantur; et in opatatum Ecclesiae tuae gremium confluant. O Pastor bone, qui animam tuam pro ovibus tuis posuisti, gregem tuum protege, et contra vim insidiasque eorum defende, qui veniunt in vestimentis ovium, intrinsecus autem sunt lupi rapaces. Fac ut unum omnes Pastorem admittant, unum omnium sit ovile. Mane nobiscum Domine, quoniam dixisti: ecce ego vobiscum sum omnibus diebus usque ad consummationem saeculi. Ostende Ecclesiam tuam aedificatam esse super petram, et portas inferi non praevalere adversus eam. Amen.

Pater noster. Ave Maria.

V. Ne tradas bestiis animas confiten-
tes tibi. R. Et animas pauperum tuorum,
ne obliviscaris in finem.

OREMUS.

Eccelesiae tuae quaesumus Domine pre-
ces placatus admitte, ut destructis adver-
sitatibus et erroribus universis, segura ti-
bi serviat libertate. Per Dominum nostrum
JESUM Christum. Amen.

AD SPIRITUM S.

Pro concord. Christian. Principum.

OS. Spiritus, Spiritus amoris et pacis,
qui tot, tamque diversas gentes in unitate
fidei congregasti; largire Christianis Prin-
cipibus eorumque Consiliariis abundan-
tiam tuae gratiae, novoque, charitatis
tuae mandato, quod obiens ex hoc
mundo Discipulis suis JESUS dedit, eorum

corda imbue, ut ex hoc omnes agnoscat, eos in numero electorum tuorum censendos, et Christiano nomine dignos esse. Fac, ne nulla unquam cupiditate abducti, quidquam moliantur, quod divinae tuae gloriae, concordiaeque Ecclesiae adversetur; sed unitis potius, viribus ad pacis aeternae visionem, ad Coelestem Hierusalem populum sibi subiectum uná secum perducere nitantur. Amen.

Pater noster. Ave Maria.

V. Fiat pax, in virtute tua.

R. Et. abundantia, in turribus tuis.

OREMUS

DEUS à quo Sancta desideria, recta consilia, et justa sunt opera, da servis tuis illam quam mundus dare non potest pacem, ut corda nostra mandatis tuis dedita, et hostium sublata formidine, tempora sint tua protectione tranquilla. Per Dominum.

AD SS. TRINITATEM.

Pro oblatione operum satisf.

Praestitisse nunc rideor, o Sanctissima Trinitas, quaecunque ad plenariam debitarum poenarum Indulgentiam impetrandam praescripta fuerunt. Haec multo plura absque eo divinae Maiestatis tuae, utpote iunumeris eidem nominibus obstrictos praestare nos oportuisset. Infinitae bonitati tuae profusaeque in nos licet indignissimos liberalitati tribuendum est, quod tam cumulatè vilissima debita servitios nostrae operà remunereris. Suscipe ergo o Sanctissima Trinitas, à me quomodocunque praestita opera, et fac, ut horum defectus, passionè et morte D. N. I. Christi, ejusque pro nobis pretiosissimo effuso sanguine supplicantur: atque ita me (vel animam N.) plenariae hujus Indulgentiae: fac participem. Pro quo beneficio tibi coelum et

terra, mecum laudes et gratiarum actiones
cantent, nunc et in perpetuum. Amen.

Pater nost. Ave Maria Credo.

Te Deum laudamus.

ACTUS

Brevis Contritionis.

Quando Copia Confessarii haberi nequit.

Magne DEUS! firmissimè credo quod tu sis
meus Dominus, et summum bonum; Te
omni jure teneor amare, et modo amo
super omnia; et ideo doleo ex toto corde
meo, quod Te DEUS meus plurimis et
gravibus peccatis meis offenderim. Agno-
sco summam meam ingratitude[m] erga
Te qui creasti, redemisti, et hactenus be-
nignissimè conservasti me. Agnosco ju-
stissimam iram tuam, qua me temporali-
ter et aeternum punire potes. Super
omnia tamen intimè doleo, quod Te sum-
mè bonum et infinito amore dignissimum
DEUM meum ofienderim. O DEUS misere-

re mei, secundum magnam misericordiam Tuam. Detestor omnia peccata mea, eaque sincerè emendare, et proxima occasione confiteri propono. Adjuva me Domine, et pro tua bonitate, te parce servo tuo.

ORATIO.

*Sacerdotis præparatoria ante habendam
Concionem.*

ANTIPHONA.

Lucundum sit tibi Domine eloquium meum; ut benedicat anima mea Nomini Sancto Tuo. Complaceant tibi eloquia oris mei; Domine adjutor meus, et Redemptor meus. Dulcia faucibus meis eloquia tua; super mel ori meo. Ut audiam vocem laudis tue; et ennarem universa mirabilia tua.

OREMUS.

Summe DEUS qui verbo labiorum tuorum restauras universa; eja video quia infiniti pereunt, pretium sanguinis Filii tui. Ecce

ego, mitte me, ad omnia paratum; universa quaecunque suggeres et mandaveris mihi non abscondam sermones tuos. Quia tamen Vir pollutus labiis ego sum; munda cor meum et labia mea omnipotens DEUS, et os meum aperi, ut dignè et competenter annunciem Fratribus meis voluntatem Tuam. Qui vivis et regnas,

ORATIO.

Post Concionem.

O Domine mi! omnia quaecunque audivi à Te in corde meo nota feci eis. Fac igitur vigilare Sanctos Angelos, tuos ne aves infernales de corde eorum evellant, semen Sanctum tuum; sed conservent verbum, quod didici à Te et locutus sum eis. Da incrementum sementi tuo, o Coelestis Agricola, ut in illis augeatur, et crescat, in eoque perseverent usque in finem. Me verò quem misisti servum tuum, da amare et opere exercere, quod Te Ma-

gistro adjuvante, docui; neque mihi, sed
Nomini Sancto tuo, da gloriam. Amen.

P R A E P A R A T I O

A D

M I S S A M,

Pro opportunitate Sacerdotis.

ANTIPHONA,

Ne remiscaris Domine delicta nostra,
vel Parentum nostrorum, neque vindictam
sumas de peccatis nostris.

Psalmus 83.

Quam dilecta tabernacula tua Domine
virtutum; concupiscit et deficit anima mea
in atria Domini.

Cor meum et caro mea; exultaverunt
in Deum vivum.

Etenim passer invenit sibi domum; et
turtur nidum sibi, ubi ponat pullos suos.

Altaria tua Domine virtutum; Rex
meus et DEUS meus.

Beati qui habitant in domo tua Domine; in saecula saeculorum laudabunt te.

Beatus Vir cuius est auxilium abs te; ascensiones in corde suo disposuit, in valle lachrymarum in loco quem posuit.

Etenim benedictionem dabit legislator, ibunt de virtute in virtutem; videbitur DEUS Deorum in Sion.

Domine DEUS virtutum exaudi orationem meam; auribus percipe DEUS Jacob.

Protector noster aspice DEUS; et respice in faciem Christi tui.

Quia melior est dies una in atriis tuis; super millia.

Elegi abiectus esse in domo DEI mei; magis quam habitare in tabernaculis peccatorum.

Quia misericordiam et veritatem diligit DEUS; gratiam et gloriam dabit Dominus.

Non privabit bonis eos qui ambulant in innocentia; Domine virtutum, beatus homo qui sperat in te. Gloria Patris et Filio etc.

Psalmus 84.

Benedixisti Domine terram tuam; aver-
tisti captivitatem Jacob.

Remisisti iniquitatem plebis tuae; ope-
ruisti omnia peccata eorum.

Mitigasti omnem iram tuam; avertisti
ab ira indignationis tuae.

Converte nos DEUS salutaris noster;
et averte iram tuam à nobis.

Numquid in aeternum irasceris nobis?
aut extendas iram tuam à generatione in
generationem?

DEUS tu conversus vivificabis nos; et
plebs tua laetabitur in te.

Ostende nobis misericordiam tuam;
et salutare tuum da nobis.

Audiam quid loquatur in me Domi-
nus DEUS; quoniam loquetur pacem in
plebem suam.

Et super Sanctos suos; et in eos qui
convertuntur ad cor.

Verum tamen propè timentes eum
salutare ipsius; ut inhabitet gloria in
terra nostra.

Misericordia et veritas obviaverunt sibi;
iustitia et pax osculatae sunt.

Veritas de terra orta est; et iustitia
de coelo prospexit.

Etenim Dominum dabit benignitatem;
et terra nostra dabit fructum suum.

Iustitia ante eum ambulabit; et po-
nent in via gressus suos,

Gloria Patri.

Psalmus 85.

Inclina Domine aurem tuam et exaudi
me; quoniam inops et pauper sum ego.

Custodi animam meam, quoniam San-
ctus sum; saluum fac servum tuum DEUS
meus speruntem in te.

Miserere mei Domine, quoniam ad
te clamavi tota die; laetifica animam ser-

vi tui, quoniam ad te Domine animam meam levavi.

Quoniam tu Domine suavis et mitis; et multae misericordiae omnibus invocantibus te,

Auribus percipe Domine orationem meam; et intende voci deprecationis meae.

In die tribulationis meae clamavit ad te; quia exaudisti me.

Non est similis tui in diis Domine; et non est secundum opera tua.

Omnes Gentes quascunque fecisti venient et adorabunt coram te Domine; et glorificabunt nomen tuum.

Quoniam magnus es tu et faciens mirabilia; tu es DEUS solus.

Deduc me Domine in via tua, et ingrediar in veritate tua; laetetur cor meum ut timeat nomen tuum.

Confitebor tibi Domine DEUS meus in toto corde meo; et glorificabo nomen tuum in aeternum.

Quia misericordia tua magna est super me; et eruisti animam meam ex inferno inferiori.

DEUS iniqui insurrexerunt super me, et Synagoga potentium quaesierunt anime meam; et non proposuerunt te in conspectu suo.

Et tu Domine DEUS miserator et misericors; patiens, et multae misericordiae et verax.

Respice in me et miserere mei; da imperium tuum puero tuo, et salvum fac filium ancilae.

Fac mecum signum in bonum, ut videant qui oderunt me, et confundantur; quoniam tu Domine adiuvistis me et consolatus es me, Gloria Patri.

Psalmus 115.

Credidi propter quod locutus sum; ego autem humiliatus sum nimis.

Ego dixi in excessu meo; omnis homo mendax.

Quid retribuam Domino; pro omnibus quae retribuit mihi.

Calicem salutaris accipiam; et nomen Domini invocabo.

Vota meo Domino reddam coram omni populo ejus; pretiosa in conspectu Domini mors Sanctorum ejus.

O Domine quia ego Servus tuus; ego Servus tuus et filius Ancillae tuae.

Dirupisti vincula mea; tibi sacrificabo hostiam laudis, et nomen Domini invocabo.

Vota mea Domino reddam in conspectu omnis populi ejus; in atriis Domini, in medio tui Jerusalem. Gloria Patri.

Psalmus 129.

De profundis clamavi ad te Domine, Domine exaudi vocem meam.

Fiat aures tuae intendentes; in vocem deprecationis meae.

Si iniquitatis observaveris Domine, Domine, quis sustimabit?

Quia apud te propitiatus est; et propter legem tuam sustinui te Domine.

Sustinuit anima mea in verbo ejus speravit anima mea in Domino.

A custodia matutina usque ad noctem; speret Israël in Domino.

Quia apud Dominum misericordia; et copiosa apud eum redemptio.

Et ipse redimet Israël; ex omnibus iniquitatibus ejus.

Gloria Patri, et Filio.

Dein repetitur Anna:

Ne reminiscaris et ut supra.

Postea Sacerdos dicit.

Kyrie eleyson; Christe eleyson Kyrie eleyson. *Pater noster.*

V. Et ne nos inducas in tentationem.

R. Sed libera nos à malo. V. Ego dixi,

Domine miserere mei. R. Sana animam

meam, quia peccavi tibi. V. Converte

Domine

Domine aliquantulum. R. Et deprecare
super Servos tuos. V. Fiat misericordia
tua Domine super nos. R. Quemadmo-
dum speravimus in Te. V. Sacerdotes tui
induantur justitiam. R. Et Sancti tui ex-
ultent. V. Ab oculis meis munda me
Domine. R. Et ab alienis parce Servo tuo.
V. Domine exaudi orationem meam. R.
Et clamor meus, ad te veniat. V. Do-
minus vobiscum. R. Et cum Spiritu tuo.

OREMUS.

Aures tuae pietatis, mitissime DEUS, in-
clina precibus nostris, et gratia Sancti Spi-
ritus illumina cor nostrum; ut tuis my-
steriis dignè ministrare, teque aeterna cha-
ritate diligere mereamur.

DEUS cui omne cor patet, et omnis
voluntas loquitur, et quem nullum latet
secretum; purifica per infusionem Sancti
Spiritus cogitationes cordis nostri, ut te

perfectè diligere, et dignè laudare mere-
amur.

Ure igne Sancti Spiritus, renes no-
stros et cor nostrum Domine, ut tibi ea-
stro corpore serviamus, et mundo corde
placeamus.

Mentes nostras quaesumus Domine,
Paracletus qui á te procedit illuminet, et
inducat in omnem sicut tuus promisit
Filius, veritatem.

Adsit nobis quaesumus Domine virtus
Spiritus Sancti, quae et corda nostra cle-
menter expurget, et ab omnibus tueatur
adversis.

DEUS qui corda fidelium Sancti Spiritus
illustratione docuisti; da nobis in
eodem Spiritu recta sapere, et de eius
semper consolatione gaudere.

Conscientias nostras quaesumus Do-
mine, visitando purifica, ut veniens Do-
minus noster JESUS CHRISTUS Filius tuus,
paratam sibi in nobis inveniat mansionem.

Qui tecum, in unitate. Amen.

GRATIARUM ACTIO.

Pro Statua Sacerdotalis.

Gratias Tibi ago misericors DEUS, quod me indignum peccatorem ad officium Sacerdotale elegisti, meque medium inter te, et populum fieri voluisti, ut tuam pro me peccatore, et pro eodem populo tuo misericordiam, exorarem. Certè Angelicam puritatem et conversationem deberem habere, ego peccator et impurus, cujus in manibus ad eloquiorum coelestium prolationem, Corpus tuum o Christè de panis consecratur materia, qui te ad libitum, et tracto manibus, et ore percipio, et fidelibus distribuo. Adjuva me DEUS omnipotens, ut huic officio et statui meo, ad tui nominis laudem, meamque et populi salutem prodesse et satisfacere valeam, quod tibi beneplacitum est, semper cogitem et intendam, aliis vitæ et exemplo

praeluceam, honorem tuum animarumque profectum, quantum, in me est promoveam, orationi diligenter vacem, tibi DEO meo ardentem et libenter deserviam, spirituique potius intendam quam carni. Da bone JESU ut corde et corpore mundus sim, et pudicus in omni tempore, sim corde humilis, conversatione Sanctus, temporalium contemptor facultatum, et à terrenorum sollicitudine liber; quatenus Tibi DEO meo expeditius serviam, atque Sacramentalis panis sumptione, dignior efficiar, ut in omnibus denique meis actionibus, glorificeris o! Christe. Qui vivis et regnas.

Omnipotens et misericors DEUS ad humilitatis meae preces, benignus intende, et me famulum tuum, quem nullis suffragantibus meritis, sed immensa clementiae tuae largitate, coelestibus mysteriis servire tribuisti; dignum sacris Altaribus

fac Ministrum, ut quod mea voce depro-
mitur, tua sanctificatione firmetur. Per
Dominum.

INTENTIO

Ante Missam

Ego volo celebrare Missam, et conficere
corpus et sanguinem Domini nostri JESU
Christi, juxta ritum S. Romanae Ecclesiae,
ad laudem et gloriam omnipotens DEI,
totiusque curiae triumphantis, ad utilatem
meam totiusque curiae militantis, pro
omnibus, qui se commendaverunt oratio-
nibus meis, et in genere et in specie,
et pro felici statu Sanctae Romanae Eccle-
siae Amen.

Gaudium cum pace, emendationem
vitae, spatium verae poenitentiae, gratiam
et consolationem S. Spiritus, perseveran-
tiam in bonis operibus, tribuat nobis omni-
potens et misericors Dominus. Amen.

Ad laudem et gloriam SS. Trinitatis, in memoriam Salvatoris nostris JESU Christi vitae passionis, mortis, ac resurrectinis; ac in operum et meritorum suorum, omniumque Sanctorum unionem. Ad laudem quoque et exaltationem Beatissime Virginiſ MARIAE, coelestium Angelorum, Sanctorum atque Sanctarum, et singulariter NN. et aliorum, Sanctorum offero etiam cum ipsorum Beatorum Spirituum laudibus, Sanctorumque omnium precibus, et meritis, nunc et semper, hoc, et omnia alia sacrificia, officia, orationes, et bona opera totius mundi; pro meis praesentibus et futuris animae, et corporis necessitatibus, in auxilium et consolationem meam, et in remissionem omnium peccatorum meorum, quorum veram contritionem semper habere intendo, conor, et cupio; omniumque vivorum et defunctorum, meo-

rum Parentum et consanguineorum, Amicorum et Inimicorum, Benefactorum in spiritualibus et temporalibus, ac illorum quibus fui gravamen, scandulum, et occasio peccandi. Pro omni gradu Sanctae Catholicae Ecclesiae, ac illius conservatione, augmento et exaltatione, Christianorum Principum unione, haeresum extirpatione, summi Pontificis salute, et animarum in purgatorio existentium liberatione. Pro conservatione et augmento meo, et omnium aliarum Religionum. Pro conversione omnium infidelium, pro mihi commissis et commendatis. Denique pro illis omnibus vivis, atque defunctis, pro quibus Dominus noster JESUS Christus; et ejus Mater sciunt, et volunt me debere orare, et sacrificare; sic oro, obsecro, ac orare, obsecrare et sacrificare intendo, ac propono, juxtaque intentionem Sanctae Catholicae Ecclesiae; Ego N. Minister licet indignus.

ORATIONES,

Immediate ante Missam dicendae.

Ad mensam dulcissimi convivii tui, pie Domine JESU Christe, ego peccator de propriis meritis, nihil praesumens, sed de tua confidens misericordia et bonitate, accedere vereor et contremisco. Nam cor, et corpus habeo multis criminibus maculatum, mentem et linguam non cautè custoditam. Ergo o pia Deitas, o tremenda Maiestas, ego miser inter angustias deprehensus, ad te fontem misericordiae recurro, ad te festino sanandus, sub tuam protectionem fugio; et quem Judicem sustinere nequeo, Salvatorem habere fusero. Tibi Domine plagas meas ostendo, tibi verecundiam meam detego. Scio peccata mea multa et magna, pro quibus timeo. Spero in misericordias tuas quarum non est numerus. Respice ergo in me oculis misericordiae tuae Domine JESU Christe,

Rex aeternae, DEUS et homo, crucifixus propter hominem. Exaudi me sperantem in Te: miserere mei pleni miseriis et peccatis, tu qui fontem miserationis nunquam manare cessabis. Salve salutaris victima, pro me et omni humano genere in patibulo crucis oblata; Salve nobilis et pretiose sanguis, de vulneribus Crucifixi Domini mei JESU Christi profluens, et peccata totius mundi adluens. Recordare Domine creaturae tuae, quam tuo sanguine redemisti. Paenitet me peccasse, cupio emendare quod feci. Aufer ergo à me Clementissime Pater, omnes iniquitates et peccata mea, ut purificatus mente et corpore, dignè degustare merear Sancta Sanctorum, et concede ut Sancta prae-libatio corporis et sanguinis tui quam ego indignus sumere intendo, sit peccatorum meorum remissio, sit delictorum perfecta purgatio, sit turpium cogitationum effugatio, ac bonorum sensuum regeneratio,

operumque tibi placentium salubris efficacia, animae quoque et corporis, contra Inimicorum meorum insidias, firmissima tuitio. Amen.

DEUS qui de indignis dignos facis, et de peccatoribus justos, et de immundis munda cor et corpus meum **ob** omni contagio et sorde peccati, et fac me dignum atque strenum Sanctis altaribus tuis ministrum: concede propitius ut in hoc altari, ad quod indignus accedo, hostias acceptabiles offeram pietati tuae, pro peccatis et offensionibus meis, innumerisque et quotidianis excessibus meis, atque cunctorum simul Christianorum culpis abundis. Et per eum sit tibi votum meum atque sacrificium acceptabile, qui se tibi Deo Patri, pro nobis obtulit sacrificium; JESUS Christus Filius tuus: Qui tecum.

O MATER pietatis et misericordiae Beatissima Virgo MARIA, ego miser et indignus peccator, ad te confugio toto corde.

et affectu; et precor pietatem tuam, ut sicut dulcissimo Filio tuo, in cruce pendenti adstitisti, ita et mihi misero peccatori, et Sacerdotibus omnibus, hic et in tota Sancta Ecclesia hodie offerentibus, clementer assistere digneris, ut tua gratia adjuti, dignam et acceptabilem hostiam, in conspectu summae et individuae Trinitatis offerre valeamus. Amen.

O Sancte vel Sancta cuius celebr. Festum.

N. ecce ego miser peccator, de tuis meritis confisus, offero nunc sacratissimum Sacramentum Corporis et sanguinis D. N. J. Christi, pro tuo honore et gloria. Precor te humiliter et devotè ut pro me hodiè intercedere digneris, ut tantum Sacrificium dignè, et acceptabiliter offerre merear, atque eum tecum et cum omnibus electis ejus, aeternaliter laudare, et cum eo regnare valeam. Qui vivit.

GRATIAR ACTIO.

Post Missam.

Antiph. Trium puerorum cantemus hymnum, quem cantabant Sancti in camino ignis, benedicentes Dominum.

Canticum trium puerorum.

Benedicite omnia opera Domino; laudate et superexaltate eum in saecula.

Benedicite Angeli Domini Domino; benedicite coeli Domino.

Benedicite aquae omnes quae super coelos sunt Domino; benedicite omnes virtutes Domini Domino.

Benedicite sol et luna Domino; benedicite stellae Coeli Domino.

Benedicite omnis imber et ros Domino, benedicite omnes, Spiritus DEI Domino.

Benedicite ignis et aestus Domino; benedicite frigus et aestus Domino.

Benedicite rores et pruina Domino; benedicite gelu et frigus Domino.

Benedicite glacies et nives Domino;
benedicite noctes et dies Domino.

Benedicite lux et tenebrae Domino;
benedicite fulgura et nubes Domino.

Benedicat terra Dominum; laudet et
superexaltet eum in saecula.

Benedicite montes et colles Domino; be-
nedicite universa germinantia in terra Domino

Benedicite fontes Domino; benedicite
maria et flumina Domini:

Benedicite caete et omnia quae mo-
ventur in aquis Domino; benedicite omnes
volucres coeli Domino.

Benedicite omnes bestiae et pecora
Domino; benedicite filii hominum Domino.

Benedicat Israël Dominum, laudet et
superexaltet eum in saecula.

Benedicite Sacerdotes Domini Domino,
benedicite servi Domini Domino.

Benedicite spiritus et animae iustorum
Domino, benedicite Sancti et humiles cor-
de Domino.

Benedicite Anania, Azaria, Misael Domino; laudate et superexaltate eum in saecula.

Benedicamus Patrem et Filium cum Sancto Spiritu; laudemus et superexaltemus eum in saecula.

Benedictus es Domine in firmamento coeli, et laudabilis, et gloriosus et superexaltatus in saecula.

Psalmus 150.

Laudate Dominum in Sanctis ejus; laudate eum in firmamento virtutis ejus.

Laudate eum in virtutibus ejus; laudate eum secundum multitudinem magnitudinis ejus.

Laudate eum in sono tubae; laudate eum in psalterio et cythara.

Laudate eum in tympano et choro; laudate eum in chordis et organo.

Laudate eum in cymbalis benè sonantibus, laudate eum in cymbalis jubilatiōnis; omnis Spiritus laudet Dominum.

Gloria Patri, et Filio.

*Repet. Antiph. Ne reminiscaris et sup. De-
inde Sacerdos dicit.*

Kyrie eleyson. Chryste eleyson. Kyrie
eleyson. *Pater noster.*

V. Et ne nos inducas. R. Sed libera.
V. Confiteantur tibi Domine omnia opera
tua. R. Et Sancti tui benedicant tibi. V.
Exultabunt Sancti in gloria. R. Laetabun-
tur in cubilibus suis. V. Non nobis Do-
mine, non nobis. R. Sed nominj tuo da
gloriam. V. Domine exaudi orationem
meam. R. Et clamor. V. Dominus vobis-
cum. R. Et cum Spiritum tuo.

OREMUS.

DEUS qui tribus pueris mitigasti flam-
mas ignium, concede propitius, ut nos
famulos tuos non exurat flamma vitiorum.

Actiones nostras, quaesumus Domine
aspirando praeveni, et adjuvando prose-
quere, ut cuncta nostra oratio et operatio,

à te semper incipiar, et per te caepta
 finiatur.

Da nobis quaesumus Domine vitiorum
 nostrorum flamas extinguere. Qui B.
 Laurentio tribuisti tormentorum suorum
 incendia superare. Per Christum Domi-
 num nostrum Amen.

Seq. Orat. dic. flexis genibus.

Salve mi dulcissime, ac potentissime hos-
 pes, ac Domine JESU Christe, diu desi-
 derate, auxièquaesite, sollicitè adamate,
 Saluto te ex intimis animae meae visce-
 ribus, ac qua possum veneratione excipio;
 meque ad omnia officia tibi grata offero,
 et ante faciem tuam indignissimus prosterno
 Jam tu in me manes, et ego in te; quis
 me separabit à te? an voluptas brevis? opes
 caducae? honor falsus? umbrae umbra-
 rum? nugae nugarum, et ufae et illae?
 non facient o bone JESU, non facient! da
 tu

tu gratiam o amor meus! o DEUS meus!
 gaudium meum! delitiae meae! cor meum!
 vita mea! omne bonum meum JESU CHRISTE!

O quas tibi potero referre gratias, pro
 tanta charitate! non sufficio ex meo cogi-
 tare, quantum tibi debitor sim; nedum
 dignas agere gratias. Quod enim potero
 tibi dare, aut referre pro te Ipso? Bene-
 dicant, glorificent, et magnificent te pro
 me, omnia mirabilia opera tua, et uni-
 versa liberalissima bona tua, quae habes
 ex te o DEUS virtutis meae. Benedicant te
 multae et magnae miserationes, et mise-
 ricordiae tuae et infinita beneficia, quibus
 tu o DEUS cordis mei benefecisti animae
 meae. Benedicant te omnia interiora mea,
 et tota substantia et virtus mea; quia tu
 es DEUS salutis meae, et susceptor animae
 meae Jubilent tibi omnia pietatis tuae vi-
 scera, et infinitae bonitatis superabundans
 copia. Jubilet tibi tua nimis magna, et

supereffluens, quam ad homines habes, charitas, et tui amoris benignissimi incontinentissima liberalitas. Jubilent tibi tuæ supereffluentis dulcedinis triumphalis fortitudo, et totius beatitudinis, quæ in te charis tuis manet, plenitudo. Amen.

Gratias tibi ago Domine Sancte Pater, omnipotens æternæ DEUS, qui me peccatorem indignum famulum tuum, nullis meritis, sed sola dignatione misericordiae tuæ satiare dignatus es, pretioso corpore et sanguine Filii tui D. N. J. Christi. Et precor, ut hæc Sancta communio, non sit mihi reatus ad poenam, sed intercessio salutaris ad veniam. Sit mihi armatura fidei, et scutum bonæ voluntatis, sit vitiorum meorum evacuatio, concupiscentiæ et libidinis exterminatio, charitatis et patientiæ, humilitatis et obedientiæ, omniumque virtutum augmentatio; contra infidias Inimicorum omnium, tam visibilium quam invisibilium, firma defensio: motuum

meorum tam carnalium, quàm spiritualium, perfecta quietatio; in te uno ac verò DEO firma adhaesio, atque finis mei felix consummatio. Et precor te, ut ad illud ineffabile convivium me peccatorem perducere digneris, ubi tu cum Filio tuo, et Spiritui Sancto, Sanctis tuis es lux vera, satietas plena, gaudium semiternum, jucunditas consummata, et felicitas perfecta. Per eundem Christum. Amen.

Transfige dulcissime Domine JESU, medullas et viscera animae meae, suavissimo ac saluberrimo amoris tui vulnere, ve: à, serenâque et Apostolica Sanctissima charitate, ut langueat et linquefiat anima mea, solo semper amore, et desiderio tui, te concupiscat, et deficiat in atria tua, cupiat dissolvi et esse tecum. Da ut anima mea te esuriat, panem Angelorum refectionem animarum sanctarum, panem nostrum quotidianum super substantialem habentem, omnem dul-

cedinem et saporem, et omne delectamentum suavitatis; te in quem desiderant Angeli prospicere, semper esuriat, et comedat cor meum, et dulcedine saporis tui repleantur viscera animae meae, te semper sitiât fontem vitæ, fontem sapientiae, et scientiae, fontem aeterni luminis, torrentem voluptatis, ubertatem domus DEI, te semper ambiat, te quaerat, te inveniât, ad te tendat, ad te perveniat, te meditetur, te loquatur, et omnia operetur in laudem, et gloriam Nominis tui, cum humilitate et discretione, dilectione et delectatione, cum facilitate et affectu, cum perseverantia usque in finem: et tu sis solus semper spes mea, tota fiducia mea, divitiarum meae, delectatio mea, jucunditas mea, gaudium meum, quies et tranquillitas mea, odor meus, dulcedo mea, cibus meus, refectio mea, refugium meum, auxilium meum, sapientia mea, portio mea, possessio mea, thesaurus meus; in quo fixa

et firma, et immobilis semper sit radicata,
mens mea et cor meum. Amen.

O Serenissima et Incllyta Virgo MARIA,
Mater D. N. J. Christi, *Regina* coeli et
terrae, quae eundem Creatorem omnium
creaturarum in tuo Sancto utero, digna
fuiſti portare, *et hanc* *na* *na* *na*
cujus idem veracissimum *na* *na*
Corpus et sanguinem, ego indignus su-
mere praesumpſi: rogo te per Virginalem
humilitatem tuam, et per passionem et
mortem ejusdem Filii tui, ut apud ipsum
pro me misero peccatore intercedere di-
gneris, ut quidquid in ejus oblatione be-
nedictissima, ignoranter, vel incaute com-
misi, tuis Sanctissimis precibus, mihi di-
gnetur indulgere. Amen.

Hic osculare tribus vicibus terram, dicendo:

Laudetur SSmum Sacramentum, et
nunc et semper et in saecula saeculorum.
Amen. et mox erectus.

Anima Christi sanctifica me, Corpus


Christi salva me, sanguis Christi inebria me; aqua lateris Christi lava me; Passio Christi conforta me; o bone JESU exaudi me; intra vulnera tua absconde me; et ne permittas me separari à te; ab hoste maligno defende me; in hora mortis meae voca me, et jube me venire ad te, ut cum Sanctis et electis tuis, laudem te in saecula saeculorum. Amen.

Tandem iterum Sacramentum profundè adora, et in regressu dic devotè:

CANTICUM SIMEONIS.

Nunc dimittis Servum tuum Domine; secundum verbum tuum in pace. Quia viderunt oculi mei; salutare tuum. Quod parasti; ante faciem omnium populorum. Lumen ad reveletionem gentium; et gloriam plebis tuae Israël. Gloria Patri. Sicut erat.

Te Deum laudamus:



P A R S III.

P R E C A T I O N E S
VESPERTINAE.

Hora competenti post caenam, vel in Oratorio cum Fratribus, vel solitariè dic.

E X E R C I T I U M

VESPERTINUM.

† In Nomine Patris † et Filii.

† Et Spiritus Sancti. Amen.

GRATIARUM ACTIO.

Gloria Patri, qui me creavit; gloria Filio, qui me redemit; gloria Spiritui Sancto, qui me sanctificavit, gloria summae et individuae Trinitati, quae ad rectam fidem, et famulatum suum vocavit me, bonis innumeris quolibet momento afficiens me. Qui vivit et regnat in saecula saeculorum. Amen.

Pater. Ave. Gloria Patri.

PETITIO LUMINIS.

Dulcissime ac clementissime JESU, Sal-

vator et Sponse animae, ostende mihi quid hac die cogitando, loquendo, vel operando peccavi, et quàm graviter te offendi; quod ut mihi immerito non degneges, te per acerbissimam passionem tuam, et mortem supplex deprecor.

Pater. Ave. Gloria Patri.

EXAMEN CONSCIENTIAE.

Quo finito: Confiteor. Misereatur, Indulgentiam. ac tandem.

Da JESU benignissime, ut ab omnibus vitiis tuo sanguine expiatus, tuis donis et gratiis non ad nominis tui probrum et meam perniciem, sed ad tuam gloriam, meamque ac meorum proximorum salutem, uti studeam: ad mihi poscenti veniam omnium delictorum.

Pater. Ave. Gloria Patri.

DOLOR DE PRECCATIS.

O! Pater amantissime, quem amo super

omnia, ecce reddidi haec tanta mala, pro innumerabilibus beneficiis tuis: doleo ex toto corde quod infinitam bonitatem tuam, toties offenderim; ignosce mihi indignissimo o omne bonum meum, parce o benignissime JESU, his aliis occultis peccatis meis; per gemitus tuos et lachrymas, per spinas et flagra, per Crucem et vulnera, et per omnes miserationes tuas.

Pater. Ave. Gloria Patri.

PROPOSITUM FIRMUM.

Detestor omnia peccata mea super omnia detestabilia, firmiterque propono cum tua gratia, maiori diligentia, vitaeque emendatione, peccata commissa et bona neglecta compensare; atque te oro, ut si hac nocte me hinc discedere velis, clementer pro tua pietate mecum agas, si veró diutius vitam meam prolongare cogitas; gratiam largiaris, sobrié juste ac pie vivere in hoc saeculò.

Pater Ave. Gloria Patri. Credo.

COMMENDATIO SUIPSIUS.

O Bone JESU, dulcissime JESU, Rex aman-
tissime JESU, me tibi commendo; tu me-
cum quaeso hac nocte maneas, et mecum
dormias, ut corpus somnum capiat, et
nunquam cor obdormiat, sed te praesen-
tem videat et malum omne caveat: me
Angelus tuus custodiat, et signo Crucis
muniat, ut Sathan procul fugiat, et JESU
solus maneat: quos amo, tecum colligas,
in lecto cordis foveas, nec me, nec illos
deseras, sed in aeternum benedicens [cu-
stodias. Amen.

MARIA Mater gratiae, dulcis Parens
clementiae, tu nos ab hoste protege, et
hora mortis suscipe. O gloriosa Virginum,
sublimis inter sidera, qui te creavit par-
vulum, lactente nutris ubere.

Quod Heva tristis abstulit, tu reddis
almo germine, intrent ut astra flebiles,

coeli recludis cardines. Tu regis alti janua, et aula lucis fulgida, vitam datam per Virginem, gentes redemptae plaudite. Jesu tibi sit gloria, qui natus es de Virgine, cum Patre et almo Spiritu, in sempiterna saecula. Amen.

Respice Beate Peter Franciscæ de excelso coelorum habitaculo, et deprecare pro populo tuo, populo quem elegisti, ut serviat coram te omni tempore in in ministerio sanctuarii Domini.

V. Ora pro nobis B. Pater Franciscæ.

R. Ut digni efficiamur.

Oratio DEUS qui Ecclesiam tuam. Etc. 19. 20

Sicut et ad alios SS. Patronos, vide supra, in fine Exercitii matutini. Vel quidquid unicuique pro sua pietate libuerit. Tandem, pro defunctis Psalm. De profundis clamavi etc. 95. vide

Anna: Si iniquitates observaveris Domine, Domine qui sustinebit?

Kyrie eleyson; Christe eleyson Kyrie eleyson. Pater noster.

V. Et ne nos inducas. R. Sed libera.
V. Aporta inferi. R. Erue Domine animas eorum. V. Requiescant in pace. R. Amen.
V. Domine exaudi orat: R. Et clamor.
V. Dominus vobiscum. R. Et cum.

OREMUS

Fidelium DEUS omnium conditor et Redemptor, animabus famulorum famularumque tuarum, remissionem cunctorum tribue peccatorum, ut indulgentiam quam semper optaverunt, piis supplicationibus consequantur. Qui vivis.

Requiem aeternam, dona eis Domine, et lux perpetua luceat eis. Requiescant in pace. Amen.

Ante cubitum immediate.

Dignare Domine JESU, cum Patre et S. Spiritu suscipere, et infinita pietate tua

supplere, imperfectum hodiernum servitutis meae obsequium, ad maximam tuam aeternamque gloriam, in gratiarum actionem omnium beneficiorum, pro omnibus, pro quibus illud hodie obtuli, ad impetrandam defunctis requiem, vivisque gratiam, tibi perfectè placendi in tempore et aeternitate; in unione meritorum tuorum, B. V. M. Matris tuae, et omnium Sanctorum. Insuper uberem largiri dignare gratiam tibi perfectiùs, in omni sanctitate et justitia deinceps serviendi, teque pane Angelorum digne fruendi in via, devotè in vita, et beatè in patria.

In benedictas manus tuas Domine DEUS meus, et in sinum suavissimae providentiae tuae me, omnesque maximè mihi commissos, quo ad Corpus et animam protegendos, gubernandos et conservandos, nunc et in hora mortis commendo. Dignare nos sub alas Paternae protectionis tuae suscipere, ab omni malo custo-

dire, immaculatos conservare, tuaeque SSmae voluntati semper, et in omnibus conformare. Ut in te vivere, in te mori, in te centro nostro, aeternum quiescere mereamur. Qui in Trinitate.

O amabilissima Mater, gloriosissima DEI Genitrix et Virgo MARIA, placet quod proposui. Tu es erisque Mater mea amabilissima, unicè colenda, amanda glorificanda. Sim ego quoque servus tuus, et filius peculiarissimus, Monstra te esse Matrem, nunc, semper, et in aeternum.

O amantissime Angele DEI qui hucusque tam fidelis es Custos mei, dignare insuper hac nocte cor et Corpus meum immaculatum conservare, ut tecum merear Sanctissimam Trinitatem aeternum contemplari, amare, glorificare.

O vos SS. Patroni mei, et omnes electi DIE, supplete vices fragilitatis meae, in benedicendo, laudando, superexaltando Domino DEO, misericordias ejus in aeter-

num cantantes; gratiamque impetrate, in gratia ejus vivendi, quiescendi, moriendi, et in gloria ejusdem vobiscum, aeternum perfruendi.

Ad deposit. vestius.

Illumina oculos meos Domine, ne unquam obdormiam in morte. Fecisti nos Domine ad te, inquietum est cor nostrum, donec requiescant in te. Da mihi dulcissime Jesu, in te super omnem creaturam requiescere, et cor meum in te pacificare. Da Domine quem das dilectis tuis summum, ut dum oculi mei honori et amori tuo dormiunt, tota mens et cor meum, in omni respiratione mea, tibi et amori tuo vigilet.

Ad lectum iturus.

En vitae aeternaeque salutis incertus, intro sepulchrum: O Pater aeternae, misere mei in hora mortis meae. O Beata Virgo adiuva me! o vos omnes SS. Patro-

ni mei suscipite me. Angele mi Custos
defende me. In Nomine † Patris et Filii
† et Spiritus † S. Amen.

JESUS, MARIA, JOSEPH, vobis dono cor
meum et animam meam.

*In lecto recumbens, pollice dextro,
scribe in fronte literas J. N. R. J. dicens.*

JESUS Nazarenus Rex Judaeorum, hic
titulus triumphalis defendat me à subitanea
et mala morte. Amen.

*Compositis iu modum Crucis in pecto-
re, manibus, dormi securè; et quamprimum
evigilaveris, illico ad Deum: Illumina Do-
mine oculos meos, ut sup. fol. 1.*

P R A E P A R A T I O

Ad Beatam Mortem.

Sive à sanis sive ab aegris crebro facienda.

Iam commendo sanus et valens, spiritum
meum, ut commendatum habeas o Christe,
quando illum non amplius commendare
potero,

potero, et si suis vinculis non dum solutum. Timeo tempus illud, quo inter vivos ero, nec esse me sciam. Videmus in moribundis plerisque id fieri, spirant, et vivere se nesciunt. Quis palpitantem tunc spiritum et migrare trepidantem, tandem ex amico carcere migrantem recipiet, si tu eum excludes orbis conditor? Christe patientissime, recordare etiam te in illis extremis angustiis lachrymatum, et deseriquaestum esse, Spiritum Patri commendasse, experasse exclamasse. Ad te ego clamo, ut tu meus Salvator Spiritum meum tunc suscipias, quocunque morbo, tempore, loco è corpore abeuntem. Recordare bone Jesu, in cruce te brachia expandisse, pectus aperuisse, caput inclinasse: Ecce anima mea à rebus omnibus creatis deserta refugium quaerit, in illa tua brachia sese immittit, in illud tuum pectus se ingerit; admitte obsecro miseram, neque in-

de exturba, donec ira DEI transeat. Hic
 secreta, hic ab inferorum satellitibus tuta
 lateat. Ergo in manus tuas Domine com-
 mendo spiritum meum, imò tuum, quia
 tu eum creasti et reparasti. Figmentum
 tuum o DEUS ne despice. Denique com-
 mendo animam creatori, qui eam ex ni-
 hilo creavit; Salvatori qui pro ejus salute
 vulneratus in Cruce obiit; Spiritui Sancto,
 qui se ei tam copiosè communicavit. Vir-
 gini gloriosae, Angelo meo Custodi, meque
 ipsum inter Redemptoris mei, dico, vivere
 volo et mori cupio. Similiter protestor
 quod quando in agone constitutus, am-
 pliùs lingua loqui non valuerò, me ex
 animo desiderare DEO meo uniri; ex nunc
 pro tunc illi offero, agoniam, labores,
 sudores, et passiones meas, uniendas ago-
 niae, sanguineo sudori, doloribus et pas-
 sionibus, charissimi mei JESU Christi, pro
 remissione peccatorum meorum, et ad
 gloriam ejus aeternam, omnesque ipsi assi-

stentes Angelos toto corde deprecor, ut me in hóc mortis articulo súis sublevent orationibus.

O Domina mea dulcissima, viscèribus misericordiae plena, per septem dolores tuos, succurre mihi misero peccatori, antequam mors subitanea et improvisa superveniat, ne subitò et imparatus de hoc mundo transeam. Ora pro me Virgo MARIA benedicta, ob unigènti tui mortem amarissimam, ut peccati detestatione, vera contritione, pura et humili confessione, poenitentia et satisfactione, digna DEI acceptione proximi dilectione Filio tuo reconciliatus, de hoc mundo transeam. Fac mecum misericordiam tuam MATER DEI, in illa tremenda hora, quando spiritus vitales deficient, et mortua lingua se movere non poterit ad invocandum te, neque oculi mei lucem tuam capere poterunt, auresque meae nulli voci patescent. Me-

mor esto o MARIA precum, quas nunc fundo ad aures pietatis tuae, et subveni mihi in illa ultima hora necessitatis, ut liberer à ministris diaboli, et collocer cum Christi Filii tui servis, et amicis tuis, Amen.

O S, JOSEPH, qui in suavissimo Jesu Clientis tui, et dulcissimae sponsae tuae MARIAE complexu, ex hac vita emigrasti, succurre mihi o Sancte Pater cum Jesu et MARIA, tunc potissimum, quando mors vitae meae finem imponet, illudque (quod unice peto) solatium mihi impetra, ut in iisdem SSimis Jesu et MARIAE brachiis expirem, In manus vestras vivens et moriens, commendo spiritum meum: JESUS MARIA JOSEPH.

Orat. ad S. Barbaram V. et M.

AVE MATER gloriosa, Barbaraque generosa, Paradisi vernans rosa, castitatis lilium. Ave Virgo pulchra tota, charitatis fonte lota, dulcis mitisque devota, vas virtutum

omnium. Ave criminis ignara, Sponsum audis voce clara, veni pulchra, veni chara, veni coronaberis. Ave Barbara serena, pulchra quasi luna plena, singulari cantilena, sponsum agnum sequeris. Ave Barbara Beata, quae cum Sponso praeparata, nuptiarum adoptata, transivisti gaudia. Ave fulgens margarita, in corona JESU sita, tam in morte, quam in vita, sis nobis propitia.

V. Specie tua et pulchritudine tua.

R. Intende, prospere, procede et regna.

OREMUS.

Intercessio nos quaesumus Domine B. Barbarae Virg. et Mart. tuae semper adjuvet, ut non subito moriamur, sed ante diem. mertis nostrae, SSmi Corporis et sanguinis tui, sacrique olei unctionis Sacramentis salubriter muniamur, et ab omni malo protegatur, et ad coelestia regna perducatur. Qui vivis.

P R O T E S T A T I O N E S

S. Caroli Boromei.

Pro felic. morte impetr.

In Nomine SSmae Trinitatis, Patris, Filii et Spiritus S. ego infelix et miser peccator, protestor in praesentia tua o Angele DEI, assignate mihi à Divina Maiestate pro ductore cum primum natus sum, velle et desiderare me mori, in ea sola vera et catholica fidei, quam S. Romana et Apostolica tenet et profitetur Ecclesia, et in qua omnes Sancti, quotquot fuerunt unquam vel uspiam murtui sunt: nec desidero diutius vivere, quam placeat DEO meo, cui omnem voluntatem meam integrè, et ex toto subiicio.

Protestor etiam o Angele DEI, desiderare et velle me, sub tua Sancta custodia ac protectione, discedere ex hac vita, cum spe divinae misericordiae, sine ulla titubatione in fide, non obstante quacunque

multitudine et gravitate peccatorum meorum, certò sciens ac firmissimè credens, etiam unam solam guttam pretiosissimi sanguinis D. N. J. Christi sufficientem esse et fuisse, non solum ut me salvaret, sed universum etiam genus humanum, quin et mille mundos, si ita placitum fuisset divinae suae Maiestati.

Similiter protestor o Angele Sancte, petere me ex intimo corde, participem fieri misericordiae Redemptoris, et Domini mei Jesu, remissionemque omnium peccatorum meorum consequi, sciens, quod ipse eam nulli peccatori quantumvis gravi et abominabili neget, ritè contrito et confesso, idque per et propter merita amarissimae suae passionis et mortis, et virtutem pretiosissimi sanguis sui, pro me indignissimo in ligno Crucis copiosè effusi: per merita demum SSmae Matris suae et omnium Sanctorum,

Ad B. V. MARIAM.

Audi gemitus et dolores ultimos servuli tui, dulcissima Virgo Mater MARIA, fons vitae et veniae, salus omnium in te sperantium: audi et intercede, ut à Ministris Sathanae liberatus, cum Christi fidelibus, Filii tui servis et amicis, in beata regione viviorum collocer. MARIA Mater gratiae Mater misericordiae, tu nos ab hoste protege, et hora mortis suscipe. Mater Sanctae spei o MARIA, in manibus tuis sortes meae, adjuva me: tibi me totum et iudicium pauperulae animae meae, tuae misericordiae committo.

Suspiria coram Crucifixo.

Ad te converto me Redemptor meus; convertere et tu ad me o spes mea unica. Clementissime JESU. concede huic vilissimae creaturae beneficium redemptionis, et recipe miserabilem hanc animam intra
brachia

brachia tuae misericordiae. Ne perdat me iniquitas mea, quem facit omnipotens bonitas tua. Bene JESU, sanguis ab his venis profluxit, ut me illo redimeres: ego sum illa merces, tanto pretio empta: ego sum illa ovis perdita: reduc eam o dulcis Pastor, et pone inter illas, quae sunt in ovili tuo. Respice Domine Sancte Pater de excelso coelorum habitaculo, ecce vox sanguinis Fratris nostri JESU, pro nobis clamat ad te de cruce. Respice innocentes manus, quae distillant pretiosum sanguinem, ut dimittas iniquitatem meam, et ne requiras opera manuum mearum. Intuere illud lancea perfossum pectus, et amore mei apertum cor, meque ex sacro hoc fonte renova. Per Sacros illos pedes, duris clavibus perforatos, dirige gressus meos, ut non recedant hac hora á semita lucis et veritatis. Defige oculos o Pater coelestis, in faciem hanc dilecti Filii tui, et in

membra conquassata Christi tui, et per miserias, quas ille amore mei sustinuit, miserere animae meae. Propter peccata populi tui, vulnerasti dilectum cordis tui: eja! Pater misericordissime, quod ego non mereor, meretur pro me Christus tuus; ejus amore amplectere me gratia tua in Filiuum, et da mihi osculum pacis aeternae.

Instante morte.

Anima Christi sanctifica me, Corpus Christi salva me etc. Ut supra in fine Partis secundae. Dein;

Eggressâ jam animâ.

Subvenite Sancti DEI, occurrite Angeli Domini, ~~s~~suscipientes animam ejus; ~~o~~fferentes eam in conspectu altissimi. V. Suscipiat te Christus qui vocavit te, et in sinum Abrahae Angeli deducant te. Suscipientes. Requiem aeternam. Offerentes. Kyrie eleyson. Christe eleyson. Kyrie etc. Pater noster.

V. A porta inferi. R. Erue Domine animam ejus. V. Repuiesca in pae. R. A. Domine exaudi. Et clamor etc. Dominus vobiscum. Et cum etc.

OREMUS.

Tibi Domine commendamus animam famuli tui N. ut defunctus saeculo tibi vivat, et quae per fragilitatem carnis, humana conversatione commisit, tu venia misericordissimae pietatis absterge. Per Christum.

Ad M. D. Gloriam.

